





冠松巖文集





冠松巘文藁卷之五

寧都魏和公

遂安毛會侯

兩先生閱

楚長沙陶之典五徽父著

男 焮 煊 熿 輯

尺牘

候謝春坊黃庭表先生

典頓首伏惟老先生閣下鍾日星之華萃江海之灝  
制作冠乎當代名德盛于朝端蓋瞻獨角而驚曠瑞



望九苞而懷飛采久矣何緣豚子煊獲陟龍門猥蒙  
包納遂勤提誨獎誘之德竊以謂大君子之接後生  
如春風之不擇被大治之不拒投也斯已望外矣乃  
以踊絕攀呼不忍之仁惻然而動特爲先君惠謨墓  
銘呈質發潛登於嚴潔使下泉拜知己之言垂子孫  
奕世之戴此德殆將不報也夫艸野疏賤而得此於  
大人先生抑何厚有天幸耶昔曾南豐得歐陽學士  
所謨大父銘謂其先德雖可傳必托于其人其文以  
傳之非畜道德而能文章者不克爲也深幸夫歐陽  
之道德文章數百年而一見南豐先德適相遭而傳  
之也晁補之求黃魯直謨父墓志亦曰平居學其人  
誦其言惟魯直乃足以發幽隱慰先君於地下古人  
之欲傳其親而必求可托以傳之人之文如此先生  
閣下文章道德所謂數百年而一見者殆不屑俯仰  
魯直顧典何人而乃有曾氏之遇可不謂天幸也哉  
自跽奉鴻章歲時感涕四年之間連遭大故略無人  
理僻在湘巖無由一通奏謝積臯通天茲豚子毋服  
初闕重赴朱邠之招敬抒鄙俚命之持叩台階北望



玉堂遙申百稽伏惟閣下垂鑒垂宥豚子偃蹇日就  
廢落提掖之德始終以之臨啓瞻往

曾立典與四人而以其份之

閣下文章以餘刊附雖百

之游其跡而必未四其以

通候徐昭法先生求為先人作傳

典頓首董卯治博士業即讀先太史公國門之書如  
星如日仰為岱宗而是時先人已奉履登堂被太史

公獎掖之遇早矣迨後遊笈公車乃獲附先生青雲  
峻誼砥節斷金其淵源袍澤固非悠比艸也天崩

地坼後先君賦湘纍者逾年脫手萬死始偃仰柴桑  
往來蓮社以與白雲相終始頗聞海濱皂帽坐卧層

樓恨不假翼相從而神山縹緲徒形夢覲久之乃從  
水田袖中傳來鴻寶驚喜自天筵頭佳藁至今什襲



之永以詒世也其後更從靈巖老人行錫倚悉起居  
則霜霰同堅之節山川不間之情可以意喻矣不肖  
典應門負米入水入泥幸保東籬至於白首而先人  
平生筆墨散佚十七數年來彙輯詩文竭蹶鏤板尚  
不下三十卷而未欲乞人作序特思得故舊知己有  
道德而能文章者賜一傳冠其編托以不朽今故舊  
知己道德文章舍先生一人更復誰托耶前年兒年  
煇偶客梁谿訪高節培世兄欲因之通贊左右望門  
屏如獄不敢以齷齪之形輕申孔李乃幸遇長蘆和  
尚追叙往誼藉世外一達烏私伏荷先生果垂愍惻  
慨然見啗不勝欣感但示屬藁須之歲月敢不祇候  
茲莫葉三更虹書燭漢或者拜仁人之言其可不呵  
唐突矣乎夫老韓異道則並書者貽譏志節同時則  
後歸者爲傳先生以千秋之史筆作九原之故人殆  
猶行古之道也子孫斷結亦何足云謹仍遣犬子趨  
伏門下待命冒昧展禧瑣七千聽伏惟先生鑒宥萬  
萬臨啓瞻依竹切頓首頓首



萬里遐征外...

...

...

...

...

...

...

...

候謝 安郡王

典謹啓恭惟 殿下大勲茂著輝赫有聲屏翰之輝

流於無極謹頓首賀伏自去歲 龍旗略遠艸野舊

人寸丹戀七未嘗一日不在嚴城號令間也迨露布

謹傳 褒綸播誦忭躍而慶不自知衰筋之起舞矣

回憶疇昔 先王殿下倦七以經文締武之業屬之

我 王每命談前史人之優劣事之敗成輒坐聽忘

倦蓋心志 殿下之才識能取古人以自鏡也而今

果何如哉况聞邇年以來沉酣墳籍出入詞林門羅



枚馬之班藝抗曹劉之壘日異而月不同何其盛也  
若夫一堂輝萼唱埴和箎友于之間怡樂無間此則  
先王最開顏于天上老生尤稽顙而祝無疆者也抑  
又聞今人稱誦 殿下旣樂東平之善且悟趙昶之  
宗德備道全俯視萬有是又何止詞章功業擬爲登  
峰造極之事而已歟豚子煊一事無成黃揚寸厄仰  
荷 殿下憐故舊而衣食之恩禮如初報無地也歸  
捧題賜榜聯寵出望表劈窠偉翰真如龍跳天門奕  
世奉之永以爲寶矣大集燦若星漢當代鼎彝猥責  
之典綴以弁言自揣耄庸豈堪濫任伏蒙手令尊光  
辭旨溫切感激發奮謬抒胸臆之私譬如使老僕隸  
陳述家規俚質已甚謹錄藁奉發 殿下一噓知夫  
不用瓦釜以導洪鳴爲鈞天廣樂之累也皇悚皇悚  
典崦嵫殘景叩覲無期惟遙祝隆禧駢膺天眷臨啓  
曷勝瞻戴欣徃之至謹啓







筆爲風雅者贊相環而朝暮見也此等佳話傳聲不  
朽而典最額手者萼樓輝映友愛肫如天祥之盛雅  
頌所先此又曹氏梁齊擅文詞諸王所萬化不逮者  
也至於豚子窮途解推周卹加諸懷膝之上假以馘  
外之歡溢格深情動于天性感淪肌而報無路惟歎  
誦傳于人人耳然竊自念之典早識之殿亦於十有  
八年之前今殿下不遺典于十有八年之後千載  
殊緣要自宿昔亮亦非凡在門階者之可泛然而得  
也墨妙寵貽已驚拱璧乃伏蒙賜題族譜日星河嶽  
之章一旦被于寒悴九鼎煌也自先桓公至於歷世  
叨列圭組之人作於下泉當前誓結艸下逮子孫時  
戢亦何有極耶敬因便羽肅申稽謝展祝萬禧伏惟  
睿鑒



候謝王吳廬宮詹

典頓首梁園輟席遠袞烏遂垂十年同鄉同學舊珥  
筆侍得稱故人邀推分者獨閣下一人巋然特立於  
台斗之上燭幽假煦舍閣下更誰依耶竊念今人盼  
閣下且晚登庸惠被萬物如昔溫公潞公入相之繫  
人望靈寓並然何況鄉里典是以徘徊溝壑不願卽  
填朽軀與觀閣下設施而使故人蒙推分之賜沒齒  
有餘幸也廼客冬兒子煊南還具誦閣下振之長安  
逆旅吹噓教誨不啻周勤固佩戴二天誼不朽而益



信大君子所以獎掖後學者未嘗與古人異也典衰  
寒日益甚貧日益深自先君見背絕意人世事前年  
當事以嶽麓志見委慟係先人未竟之緒強顏受簡  
已而方伯公猥蒙折節收之處士之中時有顧問然  
不敢以饑寒告也今春往謁生辰因示閣下霽函綴  
典姓名附知名之列又特爲老生吹噓而扶掖之噫  
嘻古誼哉大君子之於故人若是乎用心之勤也典  
安得不忍須臾死以待閣下登庸惠被萬物典在一  
物之數又得稱故人所沾被多寡不更可知耶茲遣

蒼頭入都謹浣牘奏記左右申展萬禱并明感鏤之  
悃伏惟閣下爲天下自愛臨啓瞻祝依戀不宣



上熊家宰

方厚公

典頓首往歲竊附門下遙瞻講幄之座拜受閑道之  
書繼且辱枉霽函勤垂嘘植平生光寵無以復加擬  
諸古人非獨聞一言以自壯者比也然自劉子溫良  
分處後銜帛無階遂不敢冒上起居開閣下亦且有  
未盡之德音湏其時以終惠感勒不朽也嗣不肖典  
謬載後車竊餐朱邸適值司馬入洛之年僅從老友  
吳廬先生一展羈頓望樂聖之門迺無緣攀陟自是  
積私不達雲壤曠絕者遂將餘三十年矣犬馬餘生



嘗願緩須臾死冀睹閣下之不忘萬物之復出也前  
歲遣犬子焯過吳門往省高節培修道義之雅仰見大君子扶  
畱意梁谿拳匕與節培修道義之雅仰見大君子扶  
持絕學用情良深此今日阿衡公旦左右坐論所以  
厚生萬物之本原匪但爲節培慰寂莫耳典嘗瞻望  
慶霄見中星燦若謂必閣下應瑞而出未幾恭聞十  
乘赴 召台斗之上重贊都俞窮巖中人額手忭蹈  
信閣下之果不忘萬物也慶甚哉典今年七十有三  
矣向所遷延以望閣下者今于願已遂誠老死寒餓  
無憾但不可以更闕奏記謹遣豚子焯肅叩台階一  
申觀候通三十年依歸瞻望之私伏祝調元爲天下  
萬禩自愛某臨啓瞻徃惕息頓首頓首



侯謝韓慕廬少宗伯

今天下文章德業之望士爭歸往而願出其門下者  
閣下一人而已典生長湘西困於僻陋有爲學讀古  
文之志而無其師有願事大人君子之心而不能出  
如蠡處房無所聞見然其志願往來於當世之龍鱗  
鳳藻間者未嘗一日輟也十數季前獲從友人竊讀  
閣下國門之章旣驚心動魄已又傳誦著作大篇益  
坐卧其下遂令凡骨欲換豁然揭蠡房而見日月之  
明山嶽之高江海之大琳瑯拱壁之富彌千年不可



復遇之文公今乃歸然在前雖不獲奉履烏遙事之  
快志願矣何意豚子煊浪迹吳門冒昧攀陟遽荷閣  
下包納許之問字且教誨而飲食之異哉此緣何其  
自天也又况辱賜鴻文嘘寒華槁重逾九鼎榮被三  
世豈特將朽之骨蒙幸沒齒也哉仰惟仁言不知所  
報頃者恭聞袞繡登朝海宇胥慶辱在門墻者額手  
怵蹈喜益可知亟遣豚子趨入春明肅展叩賀并申  
謝悃所最欣往者六合大書仰借綜定當時楚藁湖  
北諸君執筆視衡嶽不競遂以三戶偏黜湘流人物  
淪遺可歎或此番依托龍門之重可邀更一揆補功  
德萬世也如何如何至若豚子阿蒙固閣下所不擇  
而使備掃除者矣年來南北觀場奔走狼狽當亦閣  
下所深哀憫耳茲伏遇閣下踐升台斗且睨開綸扉  
接士歸往者益烝匕爭進不於此日乞閣下湔祓造  
就之則後時而失舍閣下無思遇之望矣小子當歌  
菁莪老生則矢戴艸也里言一章敬抒嚮往潦倒干  
尊統惟含咽典臨啓欣往瞻切頓首頓首



事跡... 與錫山高節培世兒

與錫山高節培世兒

與不肖固先公夫子門下士也壬午之役厠名前矛  
猥蒙先夫子拔入濂溪書院假之羽毛其時三楚知  
名雲蒸霞蔚無一人不脩藥籠者雖葑菲如典亦且  
不遺知已咸思當如何勉勵而玉步忽移滄桑頓換  
兢七奉求仁守已之教誨遂乃躬耕養父啣珠之報  
竟無地矣自是雲山遮阻憂患相乘犬馬之私益復  
不達廿年前反辱先夫子從鴈足中賚貽詩箋春風  
門雪如重立絳帷時七思附棹梁溪一申奉履終以



應門困躓不能奮飛恨無喻也然竊聞龍門多祐瑞  
兆公槐夫子旣夢奠乘箕老世臺先生歸然以一身  
扶豎東林之緒收拾濂洛盡歸梁溪而環立荀龍燦  
如星列河汾俊傑顯於時者且次第修兄事之禮於  
庭階則漁樵終老之人先夫子在天固當哀其無用  
而不加負恩之討矣今春偶入麓江遇陳北溟世兄  
出示湖北崇祀先公諸錄欣慰無量因與北溟商略  
援例請補湖南祀典亟爲臚陳懿蹟屬藁呈詞請諸  
當途申此輿誦此事盡以托之北溟必圖有當蓋當  
時七耄中同人今無幾存者存亦皆衰殘垂盡若長  
沙一羆獨某偷旦夕活耳北溟後起能光慰乃祖亦  
足以見夫子之教澤所施者遠也犬子煊有志嚮學  
濫竊梁園之醴今從白下入都特命之過吳門執贄  
申床下拜續通孔李先生素樂扶進或不門揮之也  
嶽麓志是向時夫子所最留意者數年前承乏授簡  
先公四詩一書并借光集中藏名山垂不朽矣濂溪  
院藏稿辱收典文數首未審此書尚有畱鄴架者否  
得一示犬子爲幸若會規姓氏麓志諸藁統付犬子



奉脩徵輯諸惟鑒念不既

先君子當鍾譚張楚之日卽從分籤刻燭間慨然有不終日之憂故甲子投退菴先生詩曰人皆傷竟陵意不專惜竟陵矣其後竊席騷壇力求大雅五十年之內十五國之人遂響然而臻庶幾爲鍾譚補救不使後代人睨楚終以子黜也年先生文章行義合徐偉長郭有道爲一人雖蟠鱗戢采而龍鸞之威隱在雲壑先君子之密托神交迄於沒齒矣何意知己虛懷淋漓唱歎起文塚而照以琳琅之輝如是其拳拳

荅譚琰卿

先君子當鍾譚張楚之日卽從分籤刻燭間慨然有不終日之憂故甲子投退菴先生詩曰人皆傷竟陵意不專惜竟陵矣其後竊席騷壇力求大雅五十年之內十五國之人遂響然而臻庶幾爲鍾譚補救不使後代人睨楚終以子黜也年先生文章行義合徐偉長郭有道爲一人雖蟠鱗戢采而龍鸞之威隱在雲壑先君子之密托神交迄於沒齒矣何意知己虛懷淋漓唱歎起文塚而照以琳琅之輝如是其拳拳



也哉拜誦鴻章感涕不朽若夫弟典穢形視息勉守  
父書詩文誠爲家事而未免負懶惰之辜宜爲先生  
長者所亟唾乃亦盛辱獎掖寵不可勝午節時奉便  
面於胎僂令姪偶書春初送夏廣文之任鄂州拙句  
極其蕪陋遽荷拈韻引玉何幸顧東門之禽聽鼓鐘  
而驚眩矣往歲麓江一晤匆也其初如夢其繼如避  
十年以來賦同衣最密者幼隗令公瞿如諸君子皆  
相繼謝去今獨特年先生靈光巋然奉爲吾黨宗岱  
自前晤濶略竊思攀附無狀頃荷教惠屬意之深然  
後知淺人之不善事長者誠自外也胎老好學深思  
仲容阿咸之才知素所賞拔兒輩不揣猥屈馬帳於  
童蒙簡牒已甚且嘗辱其下問欲令捧土益嶽徒蒙  
笑赧伏讀大集合芳咀華牢籠萬有要不可求之屈  
宋以下胎老日侍晨夕笙簧一庭樂何有涯也里言  
二首謹勒扇頭乞教本無報玉之力惟年先生哀其  
潦倒而提誨之耳先集參部附呈硯北仰慰注存邗  
江吳園次先生近有李陶樂府合刻之選將營鏤板  
俟其殺青另圖寄奉憑穎馳依



再答譚琰卿

丙子十月

初秋十日瑤織惠風借懸日之書驟至饑十日而得  
 大牢不足為喻既驚林過望矣又乃徇阿咸之請璨  
 璨星章施於槁落名山大業如華嶽巍列賤父子何  
 幸皆得附傳文以不朽取有生殊邁載何能明但伏  
 讀手書援引詩評大費推論似謂弟典向之拙句不  
 暇寵以丹黃此則初旨未達耳烏慕小言桓圖報教  
 荷包蒙不形齒冷幸萬矣寧不自知耻尚冀立晏掀  
 揚捧心之醜耶然辱徃復和賡引玉無盡不能不悚



慙更不能不寶承也和韵之風始盛于元白皮陸近代益以此闢工然牽合之累亦復不免妙若年先生佳製徃上天成此又元白諸人所不逮毋論迄今矣至于樂府擬古尤爲濫觴雖摹肖者極談咲拒掌之似而要非真叔敖也嚴羽謂擬古惟江文通最長雖鮑謝不類則猶以失原題之氣象爲憾似從來擬古題者不必其自有寄托人有感發此先君子所以獨痛快于西涯廣其體例而遙和之也年先生具鑒特有好于是庶幾先人之附西涯視昔康樂之擬鄴中諸子與明遠之有所思代作可不煩論者徒指頰上三毛也李陶合刻會園次先生卽世不果鏤板今托之別友湏其成方得奉教暫寄家刺曉古一部呈備几案年先生制作苞絡百代倘奮筆發凡出以詔世則兩家所立益不孤行矣集句一道有時聲情適符匹偶如擇良覺可喜徃者同人中費瞿如最寢處其內由古詩及唐宋至于元明皆各有集不憚疲精力爲之自以爲有別適也然篋衍必富乃供擴采若七言近體選唐本多者莫如詩所詩紀詩雋顛函兵燹



後鄴架蕩然大抵相似遺山鼓吹專收麗采多晚唐人詩使他本類是得數種取材不乏矣年先生和鼓吹賈勇至三百餘首何其盛也子瞻好先靖節遂取其詩盡和之古今無兩以視先生殆復過之更何俟取青婉白以寄娛愉耶弟典之偶拈洞庭秋者此有故焉當時芟翁徙宅三溘時七哀郢因而發端白雲似漢之句唱出秋音既三十首傳和者如林而有嘲之者曰先生何乃攘唐人成句以爲己詩于是或然或否竟成詩訟典笑而不言遂全用唐人句和三十章嘲者爽然謝故題下小序微發之蓋非湧爲漁弋也頃讀先生見和諸章妙絕彈丸波瀾盡變如此乃真無敵惜芟翁不及見補山堂後三十首滅灶白描另一奇觀則又惜原本散逸無以奉先生之欣賞也來書提命媿七汗漫奉覆不能更有倫次矣雲山遮阻無緣暱近畝丈傾倒枕秘諸貽鴻寶永以傳家弟典學步詩古文辭亦復不少蛙鼃之聲勉承家事尚思繕稿專乞運斤暫升百稽容圖三沐



荅吉水周茂則

先公夫子天壤正氣千萬禩之所瞻崇矧去教澤未  
遠而世奉私淑者乎遺弓匣劍猶將景典型焉望鳳  
毛粲七更何能一日而忘朔洞之思也往歲幸獲從  
鴈帛中髣髴夏尹先生之威儀從雪棹中展奉少游  
先生之晨夕庭星遙映雖良翁未接已若集龍鸞而  
當峴壁之照矣惟是江山阻遠完牘殊疎驚拜手書  
積丹飛動不肖典今年七十有三矣先君見背且十  
載視息喘餘一切弛謝久則况枉過恨元亮壁貧不



能少申芻秣之分且終賈妙才入三家材無以發其  
新穎興具廢然徒孤鈞命愧絕耳久老行時匆也未  
卽裁報尤積歎懷茲藉君竒諸丈旋里之便附候興  
居兼訪雪萬一也二三年間據拾遺文盡輟饗殮以  
廩厠氏幸登十九蓋皇也思朝露之見及也新刻詩  
文各一部暫奉竹林几席別刻數種附呈大教統惟  
垂照臨穎馳切

荅吉水周彥威

夏尹先生命

往者尊公先生懷文抱質侃然紹太夫子千秋之緒  
如九采鸞終不徒梧桐而立與先君崑勉同心故雖  
鴈之序薦於寤思典雖未獲一邀進履竊從先人懷  
袖中習見瑤光炯也 不啻嘗在龍門之側迄今追維  
個纏綿心腑而未去也每於君竒諸丈悉老世翁無  
雙才譽知發抒鴻業繩武有餘爲之快瞻企久矣然  
風音遠阻積私不達伏承芳訊驚喜自天但尊謙過  
抑重典不安昔歲少游先生枉過陸庄以典老大處



辱忘分之雅降處鴈行典終踏跋不敢當也願改成  
命嗣勿見施切也人則兄英華卓犖真橫空之羽愧  
典荒耄無以助發新矧既小施絳帳又以北面阿蒙  
不足施其鼓吹致奮袂趨旋陋鄉之可笑如此辱鼎  
命負疚萬狀矣人老行時匆也未即具覆殊歎茲藉  
便羽申候補贖積華倘邀寬貸爲幸家刻數種附呈  
大教其遺集新鐫者卷帙繁重不能多累行者襍被  
容圖續上臨穎瞻切弟備

評閱廖大隱詩文寄荅

戊寅正月

歲庠鶴原揜坎老淚千行荷吾石銘長兄衝寒助哭  
高義邈如薄雲不足喻也旣哀楚稍定乃辱儼授大  
書則中郎枕中之寶燁也煌也光動四壁妻風零霰  
之夜不知悲塞之何以頓蠲矣此固廿餘年望隔江  
峰而企深寤寐者也然以冗次不敢漫對要俟十日  
之沐焉故敬托阿咸叱名先謝與少寬督壁也頃屏  
絕百事坐卧息機圍編中綜竒領異乃佳境接之不  
遑芳膏炙之愈出融液精粹純美無加自非平日淵



澄玉潔織塵不干而勤以緝練必欲追古人而陵躡之豈易臻此耶雖弟之老頑強項粗心欲毋垂首至地不得也快哉數十年偃旆之楚軍賴長沙復振此大隱可以自斷不唯人之羣推執耳也若夫鴻文初集五色相宣幾於全矣顧亦不擇而假之並承觀聽子厚所謂使樸駮狹陋以當惠施鍾期之位甚自慙也然鼓舞之狂不禁丹黃僭涉贅以蕪詞譬如閒呼木客而談漫召老嫗以解不惟其不倫可耳惟是仰承尊旨猥令貂續小言竊用皇悚夫辱在鴈行世承舊睦青蠅附驥豈不甚榮但拱壁在前決不可以廁穢抑金鏞待叩寧屑資于發筵耶不敢當不敢當茲鴻寶久畱思或隕重謹什襲奉歸并謝大教伏希一切矜恕殘息所依尚憑縹帙新章倒峽願益惠我甚欲以之引年也典齷齪敝帚足供捧腹者亦頗不乏容遲搜蠹紙摘藁奉笑先君已刻遺集計古文辭十二卷前後詩十六卷樂府三卷詩餘集杜京華曲各一卷未審尚幾何弗備几案者乞便中垂示當圖補賫去歲丁勗老辱枉通剌接之甚遲方擬報教旋聞



入嶺失往還之禮迄今歎歎倘歸舟仍泊麓江得贖  
闕略爲幸諸倚嗣音不罄馳往

候陳元孝求爲先人作傳

徐昭法先生許撰傳未就而歿因改求元孝

典頓首元孝先生老世臺座下今天下之大不敢謂  
無竒男子蓋在海嶽高深人外之區恨典賤且老不  
能出戶徧求而博訪之私心又以爲非於我有關而  
卓然能立不朽之言者雖旦暮遇之猶未遇也二三  
十年中望三洲九曜間有人焉則離竒特立之元孝  
先生孤留海日之華不墜昆崙之峻卓然樹千秋業  
所謂竒男子而又於柴桑裔人通門之有關也蓋神  
事之久矣典不肖不能讀父書徒屈曲世間守遺文



至老而幽潛莫發擬乞一傳冠于篇章非其人不敢託可托者又已化去思旦晚賞恨入地是以特命兒子煊開關度嶺百拜床下而有所請焉伏念先君往侍忠文公淵源座主於門下士中厚被獎掖辱知己之深迨秉鐸古岡與喬翁先生又別申壇坫之好相敬愛有加特未知曾一奉先生玄度否耳然而世序之重固滄田所不能移也敝鄉喪亂極酷先君所遭之荼尤脫于萬死大拯由硜也晚節得禍倍深此亦忠文公騎箕天上之所領首也嗣匪影山中頗聞喬翁遊楚從漢陰灌耆一致風音有如隔世矣其時先生三江之棹亦泊昭潭距敝邑未遠惜不能悉失登御之便已聞幼隗言徒惘也也追今又餘二十年幼隗亦早謝去海內同心故舊求落也且星已不可得伏稔先生健策靈光巋然以爲絕瑞及今不仰藉千秋之樹爲下泉導發生平使不泯沒子孫下劣不孝孰有甚于此者哉謹函狀錄三帙奉備采覽伏懇留神惠賜椽筆則九原頓作于化工惇史無疑于異代陽秋巨製耀重斯文豈獨典峙不朽之賜世也感鐫



也哉典喘餘望蓋待哺兒曹遠不能修贄諸令兒子  
奏陳統惟垂宥臨啓瞻切跪候之至

續候季蓉洲舊華容

日者辱荅霽書遠勞家吏不惜傾琬琰之寶以乞窶  
人發金鏞之聲以訓瓦拊饑十日而得大牢何足云  
喻也顧遺役匆匕不能邀畱白飯當海鳥驚眩之頃  
正北省向晦之時洗眼吮毫裁謝倉猝闕失之罪迄  
今食寢不安也柴桑情子窮陋寡聞比拜各山之藏  
與為卧起如遊鈞天如飲玄露雖有延年益命之丹  
不以易此矣因念造物妬才古今一轍苦泉偏以試  
太白藍雪偏以窘退之然而揭日月壽天壤亦正賴



有此耳矧夫長公奇才又咄叱踏肩發抒鐘鼎取償  
方賒老父臺亦何往而不可與造物者爭勝也哉憤  
懣之極又竊爲之呀然一笑也先君晚節實不欲惡  
松風籬菊不惟生平執筆疎于篋衍散于烽烟而禾  
黍哀詞亦復累歛自廢故存者十五非大君子千秋  
宗匠誰復回青瞳于敝帚拳匕若是者歟唯命謹呈  
文集樂府奉備采葑九原待作端以知已仰陽秋矣

候謝王昊廬少宰貽詩垂問

己卯三月

伏惟閣下元公宿德海寓具瞻大本中臺台階特正  
登進有序必循次乃長六卿謙尊愈光蓋自天而申  
百祿惟靜正之極咸洗濯以待彥輔之裁惟涵納之  
優斯從容而接魏公之武莫不安素資以傾藻鑑佇  
黃閣以下鬢霖矣伏自丁丑春抄豚子煊落魄南還  
具道閣下息禮如初獎掖逾望感戴之私既淪於丹  
寸已且捧示天章驚承雲朶乃特爲賤子重賦同衣  
讀至湖北湖南我二人之句涕汗交流矣夫今公門



爛煬其盛何儕閣下於鱗攀翼附時慨然念江空渚  
落不惜引溝中斷木以上辱龍槐大人哉古義揭白  
日也顧此語傳誦千秋典亦何幸得爲附驥之蠅而  
榮過倚瓊之葉也耶敬張座右卧起以之因之沾動  
枯脾亦成里言二首纂七鳥七非所以仰荅韶濩也  
茲耑奴子肅名恭展慶謝謹次里言於素呈請賜斤  
悚亥悚亥典殘齒入羣矣窮愁如一日徒恃劣煊應  
門奔走無將父之時其兄爍老於縫掖當貢其弟熾  
去年倖厠選拔豚孫輩亦有一二餽於庠者先人一  
經固未嘗廢然貧終不療惡趣且時至妄意吹窮谷  
之律凡可救桑輿者閣下其尚不忍溝中故人乎無  
慘十賔之言惟閣下大慈哀而恕之耳遙叩萬禧祝  
隆天燮典臨啓曷勝瞻慶依戀之至頓首頓首



荅徐芝仙

少時讀書求友欲不交盡天下士不止不謂崎嶇金  
革與亂俱老海內奇偉英絕之人莫獲交臂年既耄  
乃竊醴王門庶幾從披風賦雪者游收晚遇焉而又  
未嘗幸覲也迨小兒繼觀河間之書名流畢集老會  
長且以飛才架學領袖羣英長卿後至誠有其時則  
兒子生平之遇嘗以聞于衰人願執鞭而馳往者久  
矣去歲讀詠鏡佳詩妙出匠心直凌顏謝想見平臺  
賓榻所以見尊禮于我 安殿下金玉間者大雅相



資非徒刻燭擊響之區也未久乃悉從龍旗出塞  
載筆橫戈氣蓋萬輩正思馬上得者當益奇益富夏  
初拜承鴻寶果應接不暇天驚石破袞也逼人信英  
偉奇絕之才境非常而奇愈出也朽人讀之不啻坐  
臥其下以之引年矣乃辱鈞教委以弁言自顧面慙  
脚蹶縮手然以小兒謬喏不敢避衰陋強顏爲之聊  
申鼓舞唱歎之私以筵發鐘笑豈免耶今操觚家大  
匠在左右見此當斥以覆瓿亮亦不令塗汗佛頭也  
敬愛無盡懷想如何

荅候彭蒼水

雲樹茫茫背馳二紀自天之霽忽破衰顏恨不卽奮  
飛左右一攬故人之衣傾倒歌哭也年來頗聞元瑜  
四應不能長匿青山姑以臣客起家未爲失策偃蹇  
如典寸匕厄之至於望羣枯巘僕伏苟免斧斤徒以  
梁園竊醴虛蒙穆生之譽可爲發笑豚犬子亦有一  
二能讀先人書者而年匕下第漸亦蹉跎老大矣總  
之喘餘無非依窮感以盡耳大先生解組後稱湖麓  
寓公獨引典爲齊季老友詩籤酒葉以爲奉驅使且



尚有期何意旦星落匕不復愁遺後死者惘如子立  
矣三舍弟亦最叨推分去年橫遭非意貧士之產一  
朝而盡竟憂恚以死鴆原抱痛與寢門外之聲淚交  
沉耳世翁足下或亦聞而形之歎聲久矣邑志續筆  
再三仲公棠茝遺徽照耀簡牒但新舊鏤板錯雜又  
度藏不謹中多散闕久未印模極力從主吏購得一  
部奉呈聊備几案可也因念四十年前與仲公秉燭  
一拜誼逾毛裏迨後南面見臨居然君長不肯墮車  
笠之盟愛我益篤誠貫日也然驥途方展乃匆匕仙  
去使下邑徼惠未終當時道路惜之非獨袍澤阿私  
耳大采世兄向數接英範且嘗從秋翁處讀其秀句  
小謝破敵則甚慶仲公有子矣聞佟公共乳誼甚厚  
南浦天風當益壯乘秋之翮也甚慰長沙公今代大  
賢笙簧殮館風義在鄭莊陳榻間可不羨芙蓉之府  
幕也典衰殘朽人迺藿已久不能更支筋骨出奉巾  
車一詩寄懷書粗筴博笑聊當樞趨統惟鑒念慙穎  
依戀無極



荅詹岷望廣文

四三年前從兒子煊遊笈中得見歛竹園一編爲尊  
太先生佳集沾被膏馥心魄飛往旣而思之齊安詹  
與先君同舉於癸酉者一與舍侄煥同舉於丙子者  
又一徃辱講世竊聞其門庭才子之盛今茲作者必  
其搦觚繼起者也恨衰殘潦倒無由遠通鴻序何意  
先生炳然當代龍門方張樂洞庭之上粲七鳳毛固  
在咫尺也去歲伏承惠教琳琅之寶先以天章朽人  
把之遂日增一飯念吾楚自竟陵後偃旗寂七先君



子倡鄉國同人支壁壘餘五十年浸有氣色當今之  
時正賴偉人傑出張軍執耳益昭大國之雄所關非  
細不獨松窗哦味資人欣情鬯抱已也以是舍親蔣  
子銜命使贅蕪辭典不避穢形遽攘臂爲舞蹈之言  
者誠欣見先生深心巨力必讀萬卷書行萬里路以  
不朽之立自任而後約束三唐漢魏以奉奔奏有餘  
也頃奉手書笈典墳之勤涉山川之邈如是則大雅  
淵源楚風倚托豈不信哉若夫縞帶之歡徃邀臭味  
于珂里者不乏滄桑換世今皆迷離莫辨獨吳廬宗  
伯十數年前猶幸于燕臺鄂渚間一奉追隨至今未  
嘗以雲泥斷鴈字也荷示寒宗谷伊甫者岐亭耶黃  
岡耶亦復茫然不省行次真有途人之歎矣典赴壑  
末形衰落已甚然詩書朋舊之緣未敢以老自廢瞻  
企絳帷不忘衾寢未卜披雲之願遂否耳拙序旣不  
以之覆瓿而又使劣腕繕真益重其穢可柰何勉承  
鈞命率附報函慙慙家刻數種暫不便以卷帙  
托之郵筒另容崙上請教不宣



文有答簡坤若

古文人才士修當世之急輒願得一州一邑以自効  
此韋白歐曾諸公滋欲試之於民所謂北門鑰重于  
中書救青州千萬人榮於二十四考者皆此物此志  
也吾坤若做秀才時早已辨此罷玉堂不上汲七專  
城豈非使當世收文人才士之効于今日者哉自聞  
剖符爲之傾耳而聽矣去歲有客自山左來頗道徐  
溝爲政上下交稱衰蹇故人躍起泥中如聆家庭祥  
瑞迨獻元兄看花旋里過我西谿具述從舅氏聽單



父之琴歷七雍七五絃如接則又不禁與獻兄舉觴  
而醉矣發手書岸然一往略不及寒暄而醇纒之貽  
固殷然其未廢也由此觀之坤若使君修人之急蓋  
用心類若是誰謂不羈唾棄一切也哉至書中追憶  
放言高論箕踞笑譏此特處陋俗中才人之寄非才  
人之真也彭澤令不肯束帶見人杜工部乃欲束縛  
酬知己惟其自處之道各有不同所以同也若談言  
微中造福解紛如陽城爲永州時奏寢侏儒貢劉貢  
父在荆公座上止其夾八百里湖水並施一二妙語  
諷罷之與金門曼倩諧詞悟主同一機略此又坤芒  
尋嘗轉移山海出口有神者何敗絮荆棘之足云固  
知觸諱引肘志不易行然昔儒謂盤根錯節正賢者  
盡力之時願益以道輔才以奇濟正由茲循卓入要  
煌七勲德將遠媿古人所以承歡八座者正自無限  
賦初拂袖寧塞家人密友平日之願望也乎朽典今  
忽七稱臺矣化物非遙畢生一蠹兒輩亦皆老大進  
不補退無分寸可以慰目前讀元亮名山之書徒有  
愧羨瞻望雲霄念燧息無期重觀章袞謹勒荒函附



奉起居并申謝悃祝望之私傾于行墨憑書馳往

下

以

想

嗚

盡

以

惟

荅謝康山

嘗讀韓歐之文李杜之詩輒歎其裔人嗣美落也因

憶看山一庭其盛無匹而長公每自喜過迨頗欲以

姒續寵之卒其文不大傳于世甚矣嗣美之難也然

生於一代作者之門才質不逮不可以強至於并父

書不讀則誠晏然自甘於不肖矣昔先君子起於竟

陵號令之時周旋槃耳早分一座其後自為立家幸

得以文章進御據席國門乃益怵心大雅顯移王

李而密救鍾譚十五國之人遂推先君子以為能張



楚也不謂銅駝立棘遽賦黍離報國之具荒焉以視  
韓歐則無命以視李杜則加憂也典至不肖徒以傭  
舂負米紆詠貧之歲月未遑勤對鯉庭雖欲希過追  
之賢已不可望忍父書不自今日矣矧後來惰子每  
趨而下是以戰匕栗匕至耄耄而慙皇不能釋也老  
世兄傑立文府爲枚馬爲曹劉爲仲宣平子俯視三  
唐以下人不足馳驅庶幾湘洲宗伯而後伯孔先生  
之登壇幼隗山長諸君之執筆不絕如縷今乃觀岬  
花人文雷掀泉奮老世兄分鑿抗手而鼓昕之吾軍  
重振此朽典之所禱祀而求仰賴奇文以自廟庸廢  
者也虛懷納細涵藪何涯至辱手書稱獎逾分則令  
東門之鳥眩而驚避耳客冬枉過殊未一展晨夕秋  
來倘果乘輿使得盡受帳中之秘爲朽人加食樂何  
有旣耶日者朱生百發正過湘求侷門城方浣牘作  
紹適荷雲喬卽匆匕藉手具荅朱生所挾頗不庸而  
自困於命向曾面懇想當記憶全乞引手傳爲噓枯  
振其人勿論其技亦吾輩好事中餘波知不拒也臨  
書馳切



答胡其緒

衰儉淪廢延於空宗守無字碑久矣所競也者先世  
遺書未敢墜越耳十數年中捉筆故人風流頓盡何  
幸新英奮起樹幟嘶花吾壘復張斯文之大慶也僕  
偷淹殘息兀若朽樗辱四方詩郵尚不忘老馬其意  
亦若行蕭條之鄉見似人而喜耳頃年曾謝諸君子  
先後惠跡佳藁並琳瑯克案應接不暇而心樂其遜  
志大雅之重不禁誦形於口因以思吾其緒驚心動  
魄之瑰文別去十年定復句滿寰區推雄詞府而乃



未獲一讀企慕之津此也秋初忽荷霽函介鴻寶而  
至驚喜自天大快積願但辱七襄之錦被及耄人且  
感且眩矣維時北窗伏枕不能卽奉裁謝負罪狀至  
今病起齋心伏讀大集一字一叫躍想見超然之作  
無敵之才剷心怵目之工力信岍花英傑萃盛一時  
而僕所積慕者爲不虛也新詩句七好應任老夫傳  
不能不併分引此語以爲擊節矣至若大命屬以弁  
辭僕覽吟三集反覆篇端鴻裁妮七如龍門自叙非  
復游夏所能引伸而可令荒廢如僕者戛瓦斧以慰  
英莖也哉惟是老世兄嘗終賈妙年以制策馳聲貴  
紙而僕獨竊窺其才在翰林工部之間茲果用大雅  
業張吾楚軍僕老且親見之兒子輩又追隨耳筆重  
修先君子與伯孔先生遺緒不失迴瀾闢徑以補救  
竟陵波木之深心此則僕之荒言不可以不出亦老  
世兄所以見屬之本意也曠七吮毫謹偕奉和拙詩  
八首繕藁呈教和詩髣醜資捧腹不足云但懇拙序  
凡鄙爲皇甫所阿幸老世兄裁正之勿以覆瓿者累  
太冲煌七之業也如何如何



大中興之文業由彼何彼何

其囑以皇甫河國宗女世已遠矣

啓

請王縣侯送先鄉賢神主人祠啓

伏以遵豆分嘉特勸善人以列鄭鄉之食蒸嘗受饗  
喜從修哲而登闕里之堂輿論克孚斯蒙被袞登歌  
有慶佇候鳴鸞恭惟老父臺閣下畏壘仁聲百城楷  
範儀翔玉几當庭立翥鳳之山澤沛驟霖古地是喜  
龍之縣摯方圓而並畫程材必正于鼎彝綜幽顯以  
咸周片善不遺於洗植故寧雖小邑歌絃在武城單  
父之間惟公是德星友事必正人君子之列何緣先



史向辱尊光既卽下泉更蒙榮闈繼往代諸公薦馨  
之正祀叨皇朝首舉崇伯之鄉賢感永裔苗風垂  
奕禩茲逢嘗祭誌分獻以在宮墻欣奉憲文得肆筵  
而陳俎豆謹筮仲月朔日捧主人祠敢卜廿五吉晨  
先期迓駕黃流酌瓚虔申百拜之忱采藻歌詩仰誦  
千秋之賜企賁于旌于辟水歡動儒林潔除松菊之  
蓬門敬贍台斗誠哉鵠俟儼爾龍光謹啓

請王中尊題亡妻陳孺人神主啓

伏以行春灑露枯萸霜再造之榮回曜宣幽重隧仰  
昭明之賜采蘋蘩以待薦將使歆寧望鐘鼎之凝華  
攀承介福恭惟老父臺閣下澤流有繹光被無涯風  
清單父之絃家修俎豆坐接荀公之席德溢馨香禮  
教積而彌新雅化成而益迥凡吉凶之與同患不擇  
編氓斯幽顯之所憑依統惟仁宰不肖某衰淪薄祿  
暮疾餘生伯鸞之宦本寒炊還入夢菜子之庭既寂  
室且無人罹譴自天頻辱德音之下卹掩骸有子惟  
思卽土以爲安茲用卜域於西南鄉仙女山之原遵  
制擇期輓輻就壙靈欲返於祔廟禮不靳於終天伏



念豚子輩忝竊冠裳並出門墻之下恭逢老父臺教  
周霜露敦修禋祀之文敢丐題丹彰榮木主塗車避  
道先桃菊以跂君臨彩筆揮毫勝紫泥之旌國典倘  
幸俯俞錫顙實承兩世以徼息豈惟頂祝無疆將矢  
千生而報德治某率哀子某等臨啓曷勝沾涕懇禱  
之至謹啓

請姜孝廉梯炎親家啓

鳳律吹和正友瑟叶雛鳴之序雲襄添繡喜牽絲歸  
彩服之門蓋名家蔚起文龍庭書機杼最在室矜修  
玉翻案重鼎彝夙奉麟行忝緒聯於外戚允尊鸞立  
共推表夫人倫憶往日大兒分擷茆芹之馥迺何緣  
弱息得班榛棗之倚幸配阿咸實叨主伯謹磨陽月  
望一之吉禮成秦贄敬秩初筵白水雙尊請申村裏  
畫圖之概青藜四照願假車前蓮燭之輝奕葉邀榮  
滋親葭辟荏苒掃徑延佇倅騶謹啓

迎青原藥地和尚住嶽麓公啓

伏以麓結雲趺信止千峰之嶽勢林敷雨萼重開二  
寺之蓮臺法應運而增弘山待人而式廓恭惟藥地



和尚座下玉堂選佛金粟化身旋緯象於珠淵瀾翻  
五色埒冰霜於雪嶠鏃破三關祖印高提蚤有紹聞  
之密用羣流截斷全彰代錯之玄機看隻手裏藥苗  
無非甘露覺老懷中慈乳重喚蒼天人如魯殿靈光  
裔是曹山真子某等焚餘蕙族托蔭祇園染在塗泥  
歸心覺岍欣逢庾府並新迦孔之門庭仰企文殊最  
奉人天之師表自昔麓山雄梵儼然內院樓臺于今  
節鎮鉅公允矣宗門楊李誠金輪轉法之會寶錫杖  
凌空之時也主此席岑公惟麟角伏乞俯狗輿悃惠  
應來機歡乘五葉之蘆許建千尋之幢雲陽接地不  
須歷煙水百城瀉阜分燈且看羸好山一座三熏泮  
祓四衆翹瞻謹啓

請孫爨臣髡司馬小啓

官閣瑤華獨稱情於水玉之署滁州太守常得醉於  
山水之間惟高軒不厭蓬門信五馬偏諳野徑欣逢  
雪瑞大夫賦及湘醇蚤發年光子弟歡承春酒願假  
習池之逸興攀臨斜水之寒廬敬卜上旬恭迎面轂  
韓雲開後正好聽吏部宵談趙日暄時益喜奉荀香



畫永佳話將同造竹盛述清風倚觴桓誦和羹載賡  
荷祿江干寵駐道左欽遲

請朱愚谷邑侯雅讌小啓

洒露垂清七月湛幽風之野登樓乘興三秋開庾府  
之輝長泳息波欣隨羣鷺擬巡習沼聽賦環滁歌玉  
水以置瑤尊束青筩而迎香席謹筮三日遙效八瓊  
佈邁車舞綵之積私笙簧寫德開載酒凌雲之嘉抱  
杯準承歡吏部談高尚書鳥近

請朱侯二位介弟

文霞爛漢一庭皆製錦之才玉岫澄秋幾輩接連珠  
之照茂林間觴咏風流長似蘭亭記室裏溪山談笑  
未忘雅集逢茲薦爽正喜歌幽端企升鳧敢邀賦鴈  
下羣鷺之修翮式奉好音映繡衮以開襟永承提誨  
請朱侯長公子

碁墅從遊常賭謝家之紫佩稼雲得歲將報公子以  
黃裳敬藉稱觴敢扳命駕卜先綺節請陳霓曲爲歡  
座倚瓊枝更假文章投轄德星儼聚百里欣占台斗  
偕升千秋傳誦



請黃庶常爲三弟題主啓

伏以黃鍾叶律長暉回葭管之春太史書雲卿霄入  
江毫之彩奉嘗修膺正飭禮容典冊弘文欣瞻寶翰  
恭惟先生山川間氣韶濩洪音張八百頃以增瀾天  
驚石破繼無雙人而騁步江轉雲開掌上絲綸坐常  
楊於廡外閣中蘭檢蕪蕪李之鴻裁暫移香案紅雲  
映就斑斕爲繡用愛春庭白日規隆猷納於家蓋筆  
挽千鈞織材得倚夫拔植文成五色萬物將被其光  
華者也典通家落李視息枯樗姜被妻寒老失問衣  
之弟鴛原斷翼悲深卽土之時竊欲遵奉先儀栖神  
於木念非邀榮題彩得祀何馨仰荷台慈頻佈雲天  
之誼垂憐故舊欲招泉壤之魂不揣分微謬扳提教  
嘉平望入小展堂禋菊桃枝而敦騶駕陳栗主以乞  
丹書束帛粲粲輒擬藉茅申悃棘人蹇蹇未敢漬淚  
敷詞謹代恭將願言俯鑒杖輿惠然命倌筦爾升台  
耀蓮燭兩行俾幽魄望龍光而起賁文霞萬丈將几  
筵承黼黻以開分携五朶之雲長蒙羃錦重降高峰  
之辟永典崇山奕世鐫膺瞻風錫類謹啓



冠松巘文藁卷之六

公自田公

公自田公

公自田公

公自田公

公自田公

公自田公

公自田公

公自田公

冠松巘文藁卷之六

寧都魏和公

遂安毛會侯

楚長沙陶之典五徽父著

男香炳直煊

墓誌銘

原任海州守劉公墓誌銘

康熙甲戌冬十月故海州刺史劉公考終之

就吉壤次君沛疇哀遣使以表墓之言屬典典辭再



反不獲命書詞益懇且曰此先大人遺教也啓手足  
之日呼沛而言曰吾平生嫻友誼洽而能文者莫先  
陶氏誌吾擴且以狀請必得其言爲慰嗚呼維公之  
命有然則安可以不敏謝謹按狀劉氏漢中山靖王  
裔其上世有仕南唐爲工部尚書諱適者自江南徙  
江右安福居三舍號三舍劉代有貴秩至明成進士  
者九人鼎甲一人各臣理學迭顯於時其後公之大  
父諱綸歲時至鄂省其兄方伯公往來上湘樂白田  
之勝遂古籍稱白田公白田公生封公文林郎諱天  
桂自封公始與湘里爲婚娶神泉周氏是爲公之母  
夫人生公公資淳材密檢身爲賢自少迄踰耄爲學  
治身守宮一歸於懿修德立稱篤行長者云嗚呼盛  
哉不勝紀也其居家孝謹無間躬行之誼被於三黨  
而執敬維桑尤甚接人無貴賤一以和厚多獎善覆  
過人有怨爭得公一言輒解急里閭之病如抹已患  
嘗於攘擾時部署其鄉井爲六團教以守禦一境獨  
安遠方聞者多徙家依公以居自是六團人每事悉  
稟公教束若一家之主伯焉其歷官始爲粵西興安



令與安在嶺嶠間素瘠困兵燹益創殘窮敝公至孳孳拊循理邑事若家事率平時質行與民親民恃之以爲真父母其初四野荆榛公用私財僱役墾田收穀以濟公用以爲百姓先民乃相勸耕墾公設法資之俾盡力蓄蓄如是者數歲七屢豐田強半闢流亾四歸民用康樂旣乃興學造士振雅化翕然有富民告殺入移禍仇家讞久不決公廉得其狀毅然持法絕干請卒正富民畢而出枉者民誦明允有劉青天之謠與安故無水御苦送迎勞費公爲疏斗河以達舟楫大弛民力其惠不朽公爲政三年民甫有瘳遽奉清丈他州邑務增賦爲繁苛官且紀績或以爲言公曰朝廷本欲厚民之生令經界正耳奈何滋事與國恩背也爲平法履畝浹歲而賦大均民無遺艱與安人至今賴之逾年舉卓異擢江南海州守州邊海斥鹵不毛孤城遭兵且七破創殘窮敝又數倍于與安公之覃慮於爲州者又數倍于爲邑州所患最惟海寇出沒公設方略定之卒致渠魁向化解其黨悉釋弓刀爲農州宿患頓除是後且多殊政有



牛犢盜殺其母值公出遮馬首不去公異之使人隨犢行覘至盜所盜驚委刀遁公托疾思啖牛脯市於屠得其盜服辜上舍某訟爭產先事餽以酒實置重賂甕中與相庇公開之髮豎立標出召衆聚觀絕其謁莫不歎嗟憚服州積逋賦若干前令以次受過及公承追視民疾痛呼實無聊不忍更求遣家人還鬻產與民代輸猶不足數流涕請蠲不報公乃慨然自免求罷適會丁封公憂遂得代上官交口惜之淮安太守任公賦詩贈行有撫字時將傳信史海民今已失青天之句處也傳誦先後所蒞地並以攀卧不得畱建生祠尸祝之其文學詞翰具有天成而尤積下帷之力少時讀書致病也且甚不爲輟嘗負笈從良師友學耄先達多敬愛公有引爲忘年友者聲動士籍旣而益讀書深山好經術大儒之言將本之用世遭時板蕩不果用 國初拔識於督學使仲霖黃公循新思應貢試藝梓行辟疆園選中海內稱之而其試仕則以條上時務見知幕府得薦擢縮符蓋其學有本原非但以帙括顯也嘗題咏揮翰寄意高邁詩



元林考文卷之六 墓銘 四  
頗似韋蘇州書法則絕擬張長史湘之後起多以公  
爲師其爲人晚節益勵旣貴而素約如一日不營第  
宅卒牘不入縣庭初賦歸卽馳至三舍展先壟問族  
苦樂盡力爲通族額免虛糧脫去積累平時用情於  
羈旅困乏者至是彌篤不衰爲故舊植孤鞠若已子  
踐寄托無毫髮憾其行義始終不替多類此故公優  
游林泉耆英似洛會耄勤似衛武門庭雍穆似萬石  
大丘湖湘碩果德全福備如公者指不能二三屈也  
嗚呼盛哉公諱兆龍字六御號五雲生萬曆□年□

月考終于康熙□年□月享年八十有六以初命封  
文林郎配暨男女子孫曾行次娶嫁成名未成名並  
詳狀中今次君沛等奉窆於□鄉□山之原千秋德  
華垂無垠矣始典辱與先生爲論文之交旣乃與次  
君婚姻聯好知公之生平實審後死者宜爲傳誼亦  
何辭謹按其實而序次之系以銘銘曰

卯金有碩分耀白田五雲燦七實生大賢維湘與嶽  
景峩挹淵維江與嶺流澤銘巔遠紹炎祀抑又開先  
滋樹貽穀爾熾世延完瑜沒齒是謂歸全幽祇相之



蔚啓吉序栖公靈蛻配德不騫如堂斯封儲祐億年

景運世微辦五與巖武新華前發辭於五咄又開表

與金休顯公歐白田正雲樂土實中六預賦附與魁

而新語述其實而求大之亦以從從日

...

...

...

...

...

都諫朱公墓志銘代

明懷宗年天下吏仕以廉正自立卓然著於當時者

惟毅城相國禹修方公稱第一人云相國初守松江

郡凡九載遺愛無窮所作人多豪傑士其砥節為碩

儒名臣者則上海朱都諫公其最著矣 頗嘗得

朱公之生平茲於其表墓也竊為之執筆焉公諱紹

鳳字儀聖號蒿菴癸酉舉人成順治己丑進士官至

戶科都給事世以儒顯考諱某誥贈文林郎如都諫

官妣某氏誥贈孺人贈公有隱德誕公嶄然見頭角



穎出兩兄前二親私喜與門北就學奮發出語下筆  
輒驚其長老其家雲來太常公曰家寶也館於塾業  
以日臻由是應黜試遇穀城公歎竒其文拔魁童子  
補華亭士籍以名世許之蓋公蚤見拔識者庶正大  
君子也公爲人卓犖自任篤于行誼遇物厚而律躬  
嚴作文深心大力有法度如其爲人崇禎癸酉先史  
公典試南闈同考官王公安生得公文擊節目若勁  
栢孤松以異才薦先公眎之良然爲拔冠本房榜後  
延接禮加多士一等先公嘗詔某曰吾所錄南上甚  
盛若上海朱君尤以千秋業屬之矣巳丑會墨出益  
清真博大爲時雋開先其後分校晉闈得知名士七  
人咸自慶出宗匠門下顧從文辭卜公建樹者期在  
立朝服政之際而公所以自許者亦實於是時信之  
焉始釋褐仕晉臨縣其地亂後創殘曠無文教公至  
特爲盡心先修孔子廟使家治禮義勤造就之臨固  
小學至是請改升爲中增弟子員額四人髦秀以興  
他所釐飭諸土田戶口溝壘經界之宜風俗短長利  
害久近之故舉錯移易咸有遠謨其本經國鴻術施



于一邑者如此既奏最召擢諫垣補吏科給事公曰  
自今獻納有地誠臣子竭忠之秋也取平時所見諸  
曹務得失關民生休戚者次第敷陳前後上封事凡  
萬餘言疏通剴切補裨弘多而於戢滿兵惜名器言  
尤偉也世祖章皇帝察其忠讜每奏輒嘉納之見  
諸施行是時東南最苦漕役弊累積自有明國家維  
新痛掃除之而收兌一害卒不去公條上四議洞揭  
姦藪人匕辨所宜興罷於是廷議翕然從公因得  
俞命一斷歸于官收官兌舉數十年病民與國之積  
害脫如有瘳遂著於令至今官民賴焉國初用三藩  
力戡定西南其弁兵率驕悍作虐兩粵民苦之公曰  
不戢將滋憂請定主將連坐之法匕懸而軍政肅杜  
漸寢萌厥有淵慮大一統後司農籌裕度支一切議  
省汰遂併歲科爲一試減取士額公懇陳南省人材  
與北不侔比戶爲儒途隘益苦單寒非復取額則斷  
行兩考以寓變通後兩考如舊公之言也此固開國  
時都俞盛象而公之立朝夙夜倦匕以澤致爲奉職  
者其不負所學亦可見矣當是時世祖章皇帝實



眷顧公嘗目屬之將欲大用會順治十八年廷推  
漕操公昌言請用賢良舊德又連指會推徇私因爲  
要人所忌中以言遂鐫五級謫建寧司獄人以爲難  
堪顧公怡然無幾微怨愠之色安卑適節一如在縣  
在垣中此其性分學識非有大過人者而能然乎先  
是有黜革漕役石某譚某者夤緣公同官關說復役  
同官乃指公請復舊制疏語給之謂爲伊等地居其  
重貨及事敗石譚訐同官并涉公前忌者授意司讞  
使持此羅織公公誓天日壯直不屈訐者詞窮誣卒  
白然猶議落職賴今上聖明庶知公平日正直敢  
言特降朱某不必革職從公訊明之旨讞者毒不得  
施而公於同官亦終不發其隱一時在公莫不歎服  
尋以况瘁卒於京邸嗚呼大用未究天不憖遺惜哉  
夫古之名能文章者莫如歐蘇兩文忠其爲吏皆有  
惠政在朝皆以建白福生民所謂文章莫大於是顧  
二公文遇同服官政同論事盡言同得君亦同然得  
君而被間蒙遷謫抑又何其同也特其享年並久雖  
時有進退而守羆日久道行志得生民蒙福者仍不



少也若公之文章政事與夫立朝讜節幾比比跡歐  
蘇矣其得主眷也亦嘗被 先皇顧遇當建議南征  
時擬簡公扈從見公目赤 注問特殷旣謫官會賜  
朝臣人參猶及公賚至貶所若是者可不謂異數歟  
使公不卽歿 兩朝聖主瀚累拔擢位豈在歐蘓下  
其得行志以惠生民又豈止爲歐蘓之所得爲也哉  
雖然公孝友忠藎實本天成概其生平行茂於宗事  
修于官仁言利溥於天下前不媿方穀城後無負先  
太史雖厥施未竟而沒齒考祥其不朽之立要爲生  
有裨於時歿當祭于社者也公壽五十有四由甲科  
起家爲縣令分考鄉闈舉卓異擢吏科給事中歷刑  
禮二科晉戶科都給事 勅授文林郎工詩文崇正  
學所著有浣花窩集行世歲甲辰捐館建辛未乃卜  
吉於鶴砂里之新阡奉公及康奚兩太君合葬焉僉  
曰社哉於公允宜其生卒年月仕宦始終配暨子孫  
行次名業閎闊婚媾俱詳行述可按也某歲寒食辱  
長公資陽令源率子弟以狀徵予言予惟僞員侍從  
凡今名臣亮節光昭國典者得披錄其媿行矧予與



公世承伯仲之雅不待按狀而知公之深且久也敢以不敏辭而聽悠七者之隨俗爲文以失實也哉謹叙次其炳如星日者勒之貞珉并系之以銘銘曰踐斗躔以趾行孰與比翔天門而飛噓則有威寒芒之色麗于畫省雲襄之錦紉入袞衣天子耳目蒼生福祿贊太平兮諤七立門閤兮巍七寶齋間氣卓午而歸卿旦載魄黃壤餘暉河山衛之喬木十圍

必友吳龍媒大令墓誌銘

嗚呼吾必友吳君龍媒先生之卽幽宅也有日矣執友後死宜述其生平矧屬而喏之自昔責何能辭獨是吳氏兩世墓銘予父子先後執筆皆有憤痛深悼于其間一沾涕矣龍媒諱嘉驥號耐菴系出延陵世爲明之百夫長六代祖諱廣始自隄衛徙屯于寧高祖龍塘公諱爵舉明經爲興化博士教士有法曾大父天山公諱紹周舉于鄉爲新都淇縣令盛著廉吏聲大父峒嶠公諱道行爲筠陽隄博端方長



者而蔚然有文厥考公韵公諱賡雅爲諸生祭酒則  
以詩文張楚焉蓋吳氏聞人令德以世相承迨於君  
尤克艱績緒不墜其先首登國朝仕籍則又稱賢  
薦紳云君爲人修名飭節丰標琅玕少時有冠玉之  
目所與必名人佳士雅負意氣與人言稍不侔輒恚  
見于色然旋即和洽若未嘗有幾微忤要自胸中朗  
潔不知有詭俗機事之紛也者早失怙年纔十五祇  
事母夫人孀幃茶瘁奮起藐孤獨子中讀遺書刻勵  
門以外奉父執陶先生教惟謹陶先生撫愛師保之  
用古道亦極篤以故肆力詩文時有講貫駸駸接公  
韵公法度其取章縫食餼一由文力翕然名在藝壇  
會邑運阨塞士子以不利場屋遂循次入對授襄州  
隄博文範風流聲動江漢學者歸之以爲龍門制府  
薦其才擢宰興縣爲政廉平一本家法以儒雅飭吏  
介然不爲漁弋以媚上官上官不悅搜事呈彈無可  
指但有沽名愛民之辭聞者莫不歎且笑由是鑄一  
級左官畢節衛叅軍畢節在黔蜀遠邊民彝雜處窮  
荒難治君與隄邑長相資爲理孳孳覃惠民彝交安



之君乃泊然忘所蒞之荒而窮也已且軍興徵調驅  
民赴鋒鏑君冒危嫌祈請事卒罷獲保全萬命功德  
非常視先澤爲有加矣然君自是賦歸未竟其用知  
已者惜之吳氏先世皆單傳君益艱于嗣凡三娶室  
元配胡氏早卒繼廖氏副室畢氏先後相繼卒廖及  
畢亦嘗數舉男輒不育後獨育一女靜婉善事父比  
若佳兒適邑庠佳士周摺樞大司農立應公之曾孫  
大令仲宣君之第五子晚年扶持晨夕獨以快婿爲  
娛先是取族兄仲子映星爲後中歲病卒亦無子以

映星親兄子

紹其祀得稱嗣孫嗚呼書至此吾

不能不輟筆而歎矣夫吳氏世有令德如是天旣  
生公酌公異才積學拔輩顛傑立里閭以爲造物者  
發揚吳氏之德將貴顯之無禦也乃賁志蚤歿孤孀  
笑也 不絕如綫先君子銘其墓皆吊哭之音人不忍  
讀矣幸而龍媒成丈夫子振起艱難克自致圭組而  
仕不甚達終其身蕭然如貧士雖及耄壽晚且喪明  
膝下無授父書之人嗚呼天之報施吳氏兩世其可  
疑耶其不可疑耶垂老執交獨惟予在聊時比其欣



成病革之日握予手曰吾生平無他遺憾獨不逮祿  
養兩親而先母賢節未獲一邀褒綸以此啣恨入地  
矣子其爲我志之嗚呼悲哉何意予爲龍媒志墓庶  
然吊哭之情更多不忍言者若是乎君生于萬曆丁  
巳十月一日卒于康熙乙亥二月一日享年七十有  
九書帙外無看囊無鏞筭一二田廬遺命分授外婿  
氏不以私盡籍其數告于縣大夫鬻價爲君經營宅  
地扶塋于天山公祖塋之麓體魄永奠予不敢負疇  
昔約謹志其墓而系之以銘銘曰  
興於孤負荷爲丈夫學仕接武素不渝坦然與物無  
崎嶇澤畱山之左黔之隅絕而紹者其德孚祖孫同  
域以庭以都是惟吳先生永安之宅千秋萬祀敬護  
之毋或侵汙



里中易襄伯墓誌銘

襄伯諱贊寧鄉馮源世科里人世科里者以宋開國  
男易公被居其地由大魁爲尚書其後弟侄子姓成  
進士領鄉薦者數十輩著盛一鄉因稱其鄉曰釋褐  
里曰世科云易氏歷今五百餘年書香不絕明永樂  
間雋者六人曰鎮襄伯君其嫡裔也君先世丘墓田  
廬自宋至今未出馮源自君大父  
邑西  
小橋生文學復之公諱見心復之公生君始復之公  
宰伯仲鼎峙爲當時士籍領袖而公居柔尤古處力



學好深湛之思嘗爲文不起艸但默謀篇工若宿構  
人以易腹藁稱之生君兄弟皆遲君少不好弄長而  
越志讀書功力無人作文亦好深思而下筆警拔其  
意量則大都似復之公云旣丁亂君年才二十怙恃  
相繼失伯父從兄亦歿家盡落以身應門蹙也賦瑣  
尾然猶坐芻藁中偷爲呶語護鉛槧業不廢已而衡  
文按部連遇主司名家並拔君冠軍高等聲譽籍甚  
庚子巳酉闈藝兩人穀皆不果薦莫不惜之自是族  
里中後輩爭從君問文字法度凡經君口講指畫皆  
各有所成就由以升於禮部者某也食於二十人者  
某也可按也其教乃弟再元君成名至掇明經高第  
則咸歎服門內之師以爲不可及顧又竊惟君亦但  
以明經老曰此其大不平者矣君爲人厚謹檢身踐  
實內外無不完之行自亂後始以儉德起家變枯爲  
腴拓狹爲廣實勞苦經營而未嘗以封殖自專也當  
其處困時聚單孱骨肉以居季妹方虞水火姊氏寡  
且歸愁緒時也貫心再元君年甫九歲才質美顧勢  
欲廢學君憂之身爲之師盥盞晨夕課父書不少間



既能文奏藝小佳則小喜大佳則大喜未幾采芹未  
幾食餼文譽焯七名與兄齊君怵躍大叫曰吾先人  
靈吾先人靈再元既以兄爲親爲師視嫂陶孺人又  
甚賢雖受室不欲析箸與其甘苦如是者有年乃分  
處君籍其先世遺產僕隸若干悉歸再元無毫髮畱  
更出私財買童婢充之自是歲時伏臘婚嫁諸瑣屑  
莫不佐其有無嗚呼此豈計鍾釜懷恡私者所能爲  
耶故其事姊氏敬嫁妹資遣厚撫隨母子恩均所生  
皆引分孳七惟恐不盡其他取贖宗產以分贍族人  
代里甲散者輸一歲賦俾還故土不納報與夫焚券  
瘞齒振貧救患此類事甚多盡今人所難而君不一  
挂齒頰明惠其陰行德又如此蓋嘗有慨於開國公  
之名德矣公既爲狀元尚書爵至封男貴極臣位當  
其時踵開國而興者巍科華仕動以數十青紫充庭  
何其耀也則其門中子弟蟠伏未達者宜不足備開  
國之左右矣而往牒傳公獨雅愛其從子茂中律身  
端謹敦行仁義至以南陽卧龍目之若反重於榮貴  
者然此可以知易氏之家法矣故歷數百年而猶有



不愧祖德如襄伯其人者則君卽失科名顯仕其德華固不朽也哉君生天啓丁卯年二月卒康熙癸酉七月享年六十有七後學私謚之曰文惠配暨子孫名業俱詳行述茲卜兆於□鄉□山之原將就窆子方拔持狀丐銘予長襄伯五歲於戚且稱內兄平時砥德義實厚按狀不欺因摺據其言入墓石而爲之

銘銘曰

德藹鬱山蟠以囀環青抱紫紆組紉星辰下接文豹蔚是謂永昌之藏重啓河山爵里之黼黻

亾弟子方文學墓誌銘

嗚呼吾子方弟不待我之沒齒而逝也逝九旬而三弟且蓋棺傷哉弟之生平固非我莫爲之表識矣弟諱之岳字子方文愍府君第三子生三歲失恃又二歲而孤吾妣周安人鞠之提持卧起盡慈亾何亂至安人命誠謹蒼頭及媪襁負奔避亂定歸聚年亦稍長不幸吾安人又見背其時弟之伯兄長揆文學繼歿三弟卽其仲兄髫年卽過房隨吾太史府君在宦署於是育教子方皆予之責矣予長弟十九齡長于



所與弟年相若出入起居必偕自就外傳至補弟子  
員受業同師采芣同歲爲之納室先後且同里氏予  
未嘗以行從畜弟弟亦不僅兄事予也既生子乃自  
爲家居上里之石門莊舍讀書食貧蕭然瓦燈蠶案  
終歲無相往來宴如也爲人純慤性成不知有偷俗  
詭譎事與時人處所趨不能萬一合但令時人迂笑  
之有餘耳故其行已也質直不欺遇是非蒼白雖貴  
介不能作一依阿語鄉里三尺童子待之必誠嘗有  
負販者過誤視值投貨稍贏已而覺亟致其人反之  
其端厚類此其爲學也自頌中才乃下帷攻苦暑夜  
不以蚊弛寒燃松膏徹旦卒困勉成儒者視門內皆  
擅書遂破襟黑沼行草法十得七八乃罷其授徒也  
務盡心不苟竊食持嚴師道甚力或不合主人意寧  
捲席去造就成材者至今念之不忘其事兄也敬愛  
無間兄嘗計其緩急有無而故忍饑寒不以告惟恐  
縈兄懷聚首則真樂油然與童穉時依匕不少異致  
書省問最謹必首稱曰息兄息兄云嗚呼誠摯如是  
亦可謂無愧于篤行君子矣竊以爲皇穹鑒之幸觀



其蘼藜晚收卽不貴富亦當康強引年享田園松菊  
之樂胡乃茹苦一生竟以貧士終以中壽卒耶豈天  
道真茫如耶抑不爲偷俗所爲與今時之天意背耶  
雖然有憾者有命無愧者無窮也弟臨訣勉良期取  
平日閱誦內典置左右泊然而瞑嗚呼弟自信全歸  
矣生卒年月子孫名業並詳於狀歲丁丑冬十一月  
卜塋於石門大觀坪之原域兆旣成老兄忍泣聊述  
其生平勒之墓石以垂不泯而并爲之銘銘曰

惟吾子方士族之良無渝夜旦妣我陶唐諸艱試盡  
終焉考祥所謂不貳信諸彼蒼必于子孫靡厚弗光  
栖神宅後如起居常石門投匕永表高長




公妹楊母陶孺人墓志銘

寧世閥五六巨姓皆展轉媼媾也孺人產陶氏適楊氏亦惟是世親故父密菴鄉賢公前翰林院檢討與故太平府少府楊公碧麓同里社雅相善陶公于門第儕伍中獨好少府公道義又聞其壺闈謝孺人賢甚遂訂好言於是孺人許聘楊公仲子宗玉孺人生而恭順母安人又教之嚴益嫻於禮比結縭而謝孺人已卽世入門卽謹事庶姑余祇修榛脯以事尊者却綺珮不御居一年遂遭亂兵火搶攘迄無寧處歲



戊子亂滋烈少府公與余先後歿家盡散伯氏且没于兵獨襄大故受兩世穉弱子女銜恤以居是時宗玉偕孺人俱年才二十内外長幼蒸嘗朝夕悉繫之自是孺人有經營舉宅之憂矣既措撐數歲亂卒莫定骨肉日益多難征徭日益驅迫不可爲生孺人乃告宗玉孳殘家歸依於兄顧楊氏之寡姊弱弟幼妹俱在兄爲計口授食孺人苦心區畫具上下饗殮俾盡飽私獨日一再粥如是者凡三年怡然以安不令其兄知之已而稍卽安寧宗玉曰若茶苦甚吾不紹一經卽賴免寒餓含愧于心孺人起敬佐膏火益力逾年宗玉果售補弟子員哀然士籍有聲孺人喜度生計少裕乃別營一庄更課耕織歲時伏膺氣色蔚然久之徙還縣構廬西郊副宗玉爲其姊及弟妹畢諸婚嫁事延師教子弟讀書宗族中以公私役至者宗玉主之爲盡力孺人躬自具食顧累旬月不倦其事夫之從長兄如事其翁鞠遺腹甥與藐孤諸從如思勤其子凡宗玉所欲引分者孺人莫不黽勉一心視力不能強而後已以故向之少裕者至是又耗敝





原件短缺

P23



殆盡亦卒未嘗有悔也無何宗玉忽遘病病半歲呼  
天乞代竟不起哀踴日數絕忍死撫諸孤稱未入茶  
毒萬狀完門戶蹇七百計爲諸子營修脯娶四婦嫁  
兩女長女且再嫁長男且再婚葬其夫不吉又重負  
土蓋處冰霜中淚盡血盡而分無不盡也晚歲壞衣  
糲食純就摧枯俄中濕足不良于行兄迎還療治小  
愈乙亥春寒病舉發大劇兄心動披風雨往視藥食  
已不進相持哭二日訣曰終身累我兄寧知今乃送  
我兄腸裂不能應然猶持形立氣卜良日時至期顧

塔銘

揚州北來寺別傳禪師塔銘

師湖廣沅江人族姓徐氏世儒家子明末丁亂師方  
髫齡家人不相保陷身兵伍間一日憶念親屬離散  
頓悟世相變滅無常決志出家已至江淮得脫遂潛  
於巢縣之觀音庵從龍章和尚薙染未幾納戒孜孜切  
已事徧叅諸方所謁尊宿皆器重之嗣依止紫蓋□  
公受鉗錘最久遂入安隱之室深契法旨旣記剝姑  
受請說戒遠邇皈崇康熙七年給諫李公宗孔瞻師



道風迎主北來叢席於是提正法印大展太白宗猷  
益覩樓閣增華牀座充溢不出道場者垂廿有四年  
道福二緣並稱隆久云師爲人表裏惠茂有渾金璞  
玉之目然慷慨具濟世才嘗爲人振貧紓困孳也如  
不獲已數捐重貲急人之難顛豪俠士所爲而於鄉  
里人羈窮失路者尤爲加意未嘗見與出世法略有  
不合處此又堂頭家出格勝事可以激厲當世之有  
權位擁貨財者焉試觀曩時安隱室中弟子四十餘  
人不肯輕付並籍其名呈之具老人揀驗十成方與  
領符傳信師蓋四十餘輩中選佛之一也古德云三  
世諸佛祇是血性男子師惟真血性不壞故同體大  
悲從出世中救世然後知印下備人其行解作畧固  
有如是之奇特耳師生於崇禎庚午年世壽六十三  
僧臘五十一康熙三十一年元旦示微疾趺坐泊然  
而逝嗣法門人爾修□大浮□具瞻□偕座下勤舊  
朗然□建窳堵波藏師骨於某山成勝幢焉朗師以別  
公與予有維桑誼遠溯湘西屬撰塔銘不得辭謹叙  
次其大端而系之以銘也曰



江有澄滙出於湘沅蠲疴滌垢爲功德源曹溪遠澤  
北來吐吞豎安隱法開大施門人天騰喜緇素被恩  
如彼祥麟游踐德園靈隱福耀接照焯々二十四載  
操般若璠回光唱寂流裕後昆蛻藏如岳永奠高原

祭文

祭原在海州刺史劉六御先生文

嗚呼今州里間孰有兼名壽而脩福德之隆如我劉  
太先生者乎先生以文章起家官至五品壽八十有  
六才子弟賢孫曾輩起一庭之中黻纘照耀以寧以  
順誠有慶而無吊也然而朋儔姻婭猶不能不執紼  
沾裳斐歌助輓者則惟先生之行義感人其慕戀不  
係乎恒情也蓋上湘昔稱冠蓋之區矣自華闕丘墟  
章縫失貴先生獨巋然自致青雲鳴玉登車復開里



門今日之盛所謂俊傑非耶而先生視之泊如俗態  
紛也則莫不思先生之涵負夫湘又材藪也競疆闢  
智以上人爲豪士大夫惟恐稍示損抑以開凌侮而  
先生不然一切御以至誠沃飲醇之和盡維桑之敬  
既善移其習俗而闔然婚者亦不肯爲也天懷粹若  
則莫不思先生之端淳且志乘所書湘之先達若賀  
大叅之建言豁賦澤永其鄉劉農部之出爲蕃宣政  
聲赫著百年以來罕聞嗣美者而先生服官盤錯覃  
惠盡心所至輒祠祀歌思接懿軌于徃代學術救時  
則莫不思先生之廉正迄賦歸晚節風雨不渝里閭  
躬行桑榆益勵至今風餘雜社美誦武公繫人慕戀  
之情者更無已也此則儕輩交親所爲憶平日而悼  
失典型嗟愬遺而悽瞻華表者耳嗚呼以先生之生  
平其全歸如此也今順化騎箕翺翔天上何所不適  
而况推原盛德者皆曰先生今之陳太丘也太丘仕  
不稱德先生之設施未盡似之太丘之後興者數世  
先生之庭自次君以下圭組迭升後之顯者亦將似  
焉信哉有慶無吊亦安用夢詞以干雲中之聽也哉



惟是與後先生十三年而生又十五年而定交又十七年而成葭莩之契疇昔道義相敦勉者始終無間今雖後死把手追隨可以歲計謬荷遺命俾撰墓銘勉爾操觚竊思無當茲率子弟酌湘殺芷奠告靈輻維潘楊之世睦永戴高蒼比張范之交情應來鑒格嗚呼哀哉尚饗

祭趙糧臺許太恭人文

嗚呼南國歌思正被采蘋之教門墻弟子驚聞陟屺之悲未有不依樾蔭而仰母天感蓼莪而飛泣雨者也於惟恭人瑤星寶婺儷鳳爲儀聯瓊作樹維山川降瑞于邦媛斯壺闔偕開夫鼎祚恭人秀鍾崇閎月殿雲襄辨絃才穎彤管翱翔習無待於觀彼鍾郝天有爲而產此姬姜逮職晨昏聲隆孝睦是趾些麟無貽不穀珩璜克粹于四全翟弗旋承乎百祿祔從退食肴案長齊渾七華膳恭人曳綈若不屑蔚宗之珠



翠獨欣依清獻之琴携攬轡勞臣游巡遐邇恭人燮

家靡盬弗覺有如謝傅資才內以收勲各欲擬韋庭

肅北堂而陳禮樂乃者皇華色起擁佛歡呼

時有趙佛之稱

恭人聖善幙亦蓮敷獨蕤清香而扇鈴閣聊陳湘雪

以荅瑤觚惟觀察公舉帷問疇掌露及郊恭人則喜

惟觀察公秉鏡燭幽叢神罔蔽恭人忘憂惟觀察公

倒屣開閣屣庇萬間恭人意廓是以簪珥佐軍壁堅

花縣烽烟迴鴈坐定羽書遂使恩碑所至顛豐于峴

首凡茲愛日無非得助於軒魚而况銜哀竟嬰沉痾

乃歲時之婦禮尚躬展以如初方將八座起居贊忠

猷于補牘聯行簪笏頤純嘏于扶輿繞膝荀龍含飴

琢玉環階緜鶴雜樂鳴琚云胡捐鼎鍾而弗御遽驟

鸞駕以憑虛嗚呼哀哉萬姓驚愴頓弛春杵諸生瞻

悼攀斷靈衣望仙輶兮靛黷悵護北兮斜暉薦椒蘭

兮將悃幅歌楚些兮奉音徽庶幾一停雲中之旒翩

下荒而鑿寸艸之微嗚呼哀哉尚饗



祭郭親母賀孺人文

嗚呼處巾幗之間堂也命爲偉士當彘恤之節蹇也  
比於勞臣夫孰有如親母孺人者乎孺人璜材蕙矩  
生長名閨幼有辨紵之慧字出於錦儀嫻於書尊人  
觀察公將之寶若雛鳳其不僅爲女子之祥也自鍾  
秀而已然矣旣嬪吉歸于野臣君貴胄才子雅相諧  
敬顧其時家國多故非閨幃閒燕之日孺人于珮且  
繡餘輒一涉圖史文翰之事佐野臣成名爲天下士  
頗以主夫人林下韋太君經帷自待而以太真小謝



之業望其夫子蓋非徒誅蘋蘩修榛栗以共爲婦職者也嗚呼當此之時孺人之自命抑何遠歟迨塵飛海暗宗社播遷大司馬公方袍筇杖而出野臣隨之賦采薇焉孺人乃絕意置璧之食專奉白華之養瞿瞿操作無一不當司馬公意遂乃移澤畔爲花源暘行吟于蓮社而孺人所不能廢者范滂之傳大家之書耳蓋又于丘園之責有以自待矣亾何封虎張牙橫遭家卹孺人毅然從難于清宮憂劬備至事既白而野臣傷司馬公蚤賦絕命亦復追乘箕尾孺人憤血呼天經營兩櫬展轉于烽烟荼棘之中卒歸城隍使人迎哭西州若是者孺人亦何忝于盡瘁之義也哉而孺人不以是告勞而弛門戶之責也方且樹墓栢葺田廬守汾陽之故第抗博陵之風聲事仲氏若翁撫乘龍諸君若子惠小星若娣姒中門之內日以郝法鍾儀式穀聞秀知求內則者咸仰而師之視向之林下經帷其威儀固軒然未墜也嗚呼以司馬公之不朽野臣君之全歸固宜有孺人行誼照耀其間而或疑造物者之不仁不以有後報修姁不以眉壽



竟其負荷有遺憾焉而吾以爲孺人之自樹惟此堂  
堂蹇屺之令聞足以傳千秋而綿奕祀也孺人固無  
憾于造物也哉典輩叨世執近且荷孺人以季玉貺  
吾小子將結縉而孺人不及見輟春沾涕愴何能已  
謹酌湘采菊薦孺人于青松白鶴之旁載述懿節用  
代芟歌庶幾聞是真質之言孺人其一開顏雲中而  
歆格之乎嗚呼哀哉

祭廖昇生會兄文

嗚呼處維桑之中其嫻友之族生而有耀於金蘭歿  
而會送以縞素者豈非古人之榮譚而今人之盛事  
耶若我昇生兄之在今日也誠可謂榮且盛矣其在  
同人猶不能已於製芟詞而申絮酒之哀者有輩行  
日謝之感焉有才詛過人之思焉有屬望未滿之歎  
焉夫自二三十年間先生長者以次奄盡吾儕數輩  
遂接迹稱耆授杖然皆慶更生於喪亂奮志業於艱  
辛非苟然也亾何杖而耆者歲浸落焉以謂精悍如



兄淬厲如兄遐緒其未艾乎而兄甫周甲子遽先謝去如有限之齒當磨而折嗚呼此同人之所以感也當其荆棘在原狙獍得志弱肉盡於橫胥章縫賤於僕隸獨兄能奮臂排羅與時決勝或讜言迴汙吏之威或經畫作救時之事才人有用鄉里賴之甚至狐兔悲深慨然冒難爲死者訟寃卒殲仇魄迄今與古人爭烈載籍此則通國所共稱矣而最奕也者閨門雍睦表衰俗尤盛焉嗚呼此同人之所以思也若夫頽發髻年聲高終賈文多獨得試輒冠軍卞和之玉璞不售閉戶之揣摩益銳自分請纓題柱萬乞不讓古人而末路策名聊登臯比志意屈矣然且風流絳帳造就冰江校刻相國遺文百餘卷發抒吾楚星漢之章亦旣藻鸞振翮鱣北方行而輦轂之珂未鳴文園之疾遽寢竟以大業付之令子賢孫嗚呼此則同人之所歎息而未滿望者也雖然士生天壤懷文樹誼能令維桑媼友感而思而歎又慰幸其有令子賢孫足以竟其未竟之業榮且盛如斯矣亦復何憾而不含笑于九原也歎請爲殺蘭酌湘大招吾昇兄之



靈而變髮爲歛執紼以告之曰昇兄昇兄疇昔密契  
後死者某也俱在新松吉壤之旁更迭酌酒報君好  
音千秋寧順兄其張目雲中所听然而鑒歆之乎嗚呼  
哀哉尚饗

募言

修葺明倫堂勸助疏

明倫堂者政教觀聽之地風俗漸摩之本也故庭宇  
高明鐘鼓懸列納學者於其中教之而因及夫人人  
凡以治其心思耳目毋使有害敗蔽累焉是則斯堂  
之宇不可聽圯而弗治輟其懸廢弗考也亦猶人心  
之不可以敝壞耳目之不可以昏聾矣雖然興舉有  
時固恃敦教澤者之能急先務也邑舊明倫堂廢於  
兵燹有年順治丙申荷燕山蔣侯下車之初慨然剪



棘而鼎新之其時兵氣未銷戶無絃誦百里間但有  
蕭條之色然而民俗去先民未遠綱常名分未大替  
也以故人士樂公之教育一下令而歡趨之莫不扶  
傷輟耒以助邪許工既成而士有肄習教有庸威於  
是興行奮學者衆人知名義翕然欲還美俗之舊焉  
其後三原權侯益加意澤宮誠養誠教懲民之尤無  
良者不使非種賊嘉佳子弟益蒸起民間十數年  
無一訟牘干上憲寧乃獨有淳良之稱訖於歷久此  
風頗未渝也午未以後不知何故囂然變壞其初特  
一二人抵禁觸法倖逋文網而囂凶輩出遂公行六  
逆以能犯分爲豪此無他由科目久荒進途蒙雜讀  
書修行之意微冒利趨下之習勝釀爲乖戾浸至橫  
流吁可慨也然則今日欲修舉綱常名分以還吾寧  
俗之良舍興學育行何從哉興學育行則端自明倫  
之地始也頃者新邑侯朱公膺命來蒞茲土世家  
名宿學道愛人植綱常斤匕也向者治蜀蓋舉文翁  
叔度之設施有前効矣茲甫下車亦卽以興學爲務  
周視學舍頽敝慨先生之臯比黷焉乃撻積案中有



官租蝕於胥有公用沉于帑者並發而牒於黷資其  
修舉廩餼之具此豈非規政教急先務之大者歟會  
明倫堂尤敝漏不可支兩先生率諸弟子敬請於侯  
亟謀修葺侯曰善遽捐廉俸若干尅日戒工其完繕  
也可拭目俟矣惟是備作材斃費且不貲不能不合  
紳士鄉閭之私財佐其大半焉先生命諸子持冊徧  
告而以勸斂之詞屬之朽人不敢辭夫州里之鄉必  
有三老以其習於故事能述善敗之迹也典雖老賤  
差更世故則以其說告人凡皆吾之親黨友朋必共  
勉於仁義以上副朱侯之教樂爲趨事者也而况蔣  
侯遺澤茲方祀於宮墻俎豆垂百世不衰矣今朱侯  
初政適與蔣侯合後先媲美斯殆風會轉旋之一時  
也歟吾知此舉興而凡爲邑之敗害蔽累者皆將有  
以治之民俗由是而整齊斯文由是而振起天之貺  
寧其將大有慶乎典作而奉兩先生之命有所感欣  
不禁其言之汗漫矣



建復醫學兼奉祀藥主募助疏

國家建置諸宜設者必其不可廢者也廢而舉之宜也維祠廟亦然捍災救患則祀之是謂正祀宜矣舊不及而今及之不可謂不宜也然而非甚急焉或在上者厭聞在下者不可強而趨事宜不宜之說又何庸置論於其間哉乃今竊爲邑之謀曠舉者喜而助勇矣邑古有醫學設訓術官國家共準舊制官如故而所謂學者蕩爲墟醫之徒無一人負篋辟咥得從其官以敬業者嗚呼此古聖皇師相宣導陰陽扶



救災患之道闕千百世所以免民命於天札而教同  
仁之地是謂必不可廢者奈何苴梗之而榛棘之耶  
墟旣久并其地幾浸沒不可稽頃荷吳仁侯悉心民  
瘼詢諸父老按籍而求乃得之北門外舊河泊所署  
旁艸間殘堞故址宛然侯曰吾不可以復自今而聽  
其終爓也顧公帑錢無可名者其與所司約倡告於  
衆醵私財以集事可乎於是醫學吳君子與慨然身  
任之將持鉢鄉井竭歷經營規復其守官之舍而議  
以前庭祀炎黃以下古賢聖仙真暨歷代醫哲之神  
如儒學之有先師廟焉偉哉子與之自待爲不薄  
矣考周官醫師隸在家宰秦漢而下或屬少府或隸  
侍中有崇秩五代乃領於翰林華矣至宋領遙毘有  
即使大夫之階而籍在翰林者如故元明以來太醫  
掌院班躋京堂故在外隄縣之醫學分符佩綬使領  
生徒與雜流異焉其學軒岐雷俞其書靈樞素問其  
事禦災拯患將以聚秀民之能讀書而存心澤物者  
一習於聖賢精微之言專以免人橫夭而蕃其生蓋  
醫學之原其重如此豈欲使人如今之卑鄙庸妄者



徒業是以取衣食于其間也哉此醫學之所以宜亟  
復也毋問緩急矣有沮者謂子與曰土木之興視所  
殖豐約作一宮則財斃將作之數不可量君其慎厥  
始乎有勸者又謂子與曰輓千鈞者非一牛製全裘  
者非一腋君第果於行也仁侯既命之矣同城官司  
守長里之士大夫賢豪好義與市肆樂善者或廣濶  
或細流水到渠盈有志竟就吾其爲子觀厥成矣子  
與惑焉持冊執是兩言以質于予予曰勸者之言信  
矣彼亦見夫建置宜設者必不可廢正祀宜舉者衆  
心之所共歆也請爲子書諸冊以堅子之勇云



趙彥文樂道精舍小言

先淵明棄官種秫其取酒之具仰給于王江州杜少陵畱滯異鄉其艸堂之貲移詩於王錄事古今以爲美談若康節在洛富范司馬諸君子集錢買宅以安樂之則又用心於道德之林事垂河嶽而義著日星者也舊汝寧司馬趙公彥文先生蜀東世胄擅文武才兼終賈管葛之譽少遭鄉國喪亂輒奮袂請纓將萬人從制師克敵上馬殺賊下馬艸露布蓋竒男子也已而受民社之托活生靈沸釜計畫甚於用兵凡



治蜀治楚治中州所至卓犖錚然而用未大寃遽不  
樂仕遂振衣于仞痛自淘洗慨然隱南楚之湘寧間  
稱寓公焉晚益與快僧廖子飲酒賦詩爲樂今壽且  
八十有一得宗門三昧卜溪山佳處結定山禪師爲  
方外老交營菟裘之宇視人間世若蟻穴不足入也  
惟是詠貧有日不能慙蜃氣爲樓則王江州王錄事  
富范司馬諸君子上自當位下逮吾徒皆不得袖手  
以分金贈宅之高義獨讓古人矣嗟乎趙先生固始  
終奇男子也當其躍駿橫戈委七尺軀于馬革意概  
之偉固已御天風狎海濤未始少有懷土持祿之念  
如世之酬參於身名富貴者比也故今以南楚爲家  
以東床爲子以成佛爲登庸胸中眼底所以彌綸三  
界函蓋萬形者所謂大丈夫事豈特破拾遺之涕淚  
歸粟里之田園也哉請爲先生持冊以聲告遠邇曰  
迢七河嶽烟七日星趙公艸堂道山永青助之成者  
同德萬齡



同縣萬壽

致丁所錄歐丁日星欲在帳堂並山永清...  
魏深里之田園也昔蕭獻宗主林無以提...  
界山蓋海河昔西開入丈入...  
以東來...  
賦世之...  
...

建復水陸洲拱極樓家疏

拱極樓在橋洲水陸寺後江心樓閣看山看水看月  
看雪皆縹緲絕塵比眺岳陽則多九面之青陟晴川  
則輸八景之韻故茲樓之在長沙也氣忘卑濕覽盡  
高森詞賦之客常登魚鳥之情並察可以淘古今可  
以通政事達者咸明其不宜廢也然數十年間或力  
集而摧於飄搖或工成而墟於兵燹予過是賀其興  
而又吊其廢也與之變齒髮矣中間有功於樓者住  
持僧智問之勤劬為多今其故願不墮欲重規摹構



復自山中來垢面跣踵曝烈日中大呼尊天菩薩闍  
月而闍闍之人翕然動心披募籍可資材甃十五礎  
棟竟具而力窮於弩末不能不仰叩宰官大人作此  
合尖功德慮辭拙冒昧嬰辜子曰毋慮一郡之蹟無  
若茲樓勝者樓誠復則軒蓋登臨庾府可以開襟山  
公爲之乘輿矣非若糜金粟崇塔廟者比也僧營之  
闍闍佐之而曰宰官大人乃反斥之豈理也哉頭陀  
但辦懇心大呼宰官大人一如呼尊天菩薩吾又見  
縹緲層樓翬飛雲湧矣

杭州佛日寺募米供衆疏

今震旦中稱宗門大樹寂惟道日和尚一人諸方學  
佛者若鱗介之宗龍百川之赴海而道公不能拒也  
自發跡華林風行南北法幢建處莫不盃袋如雲食  
香自雨蓋嘗有登山之裴相執爨之普賢矣頃乃輟  
帝里方山之席徇武林佛日之緣盡撒寶花重光祖  
葉歸其門者夫乃歎道公覆蔭法門之用心如此其  
不可思議也方今獅子牀座將徧滿三千舍衛一城  
供食盃而不足古心大德乃特命願舟溯投貲之水



指浙玉之炊放身行之不煩發尺一書千見前楊李  
此又足以觀佛日之新規卓越矣座下旅三大師適  
謀歸里省親聞化主入湘歡喜贊助相與偕至因導  
之先謁同里檀門倡最上利益功德量不限於釜鍾  
籌可累爲千百施多者福益盛此則旅大師悟道後  
爲宗族鄉黨說第一場普度法福德因緣實有來處  
誰曰三家村非舍衛國可自外于道和尚教化之所  
及也哉

九華西峰募修關聖殿疏

三世諸佛種是英雄男子血性丈夫此關夫子所以  
絕倫逸羣也一切人中有不崇信像教者矣未有不  
畏戴關夫子者也彼豈知英雄是佛箇七人心有關  
公卽箇七人心有佛也哉今之當道宰官具佛智量  
率於境內嚴祀壯繆琳宮璇榜照耀殊常使千古心  
日赫七在寰宇間雖愚賤匹夫婦過廟知敬莫不瞻  
天仰帝發其血性感觸不能自己之心此與名藍大  
刹奉玉泉神像以爲法門威護同一機境耳天台西



峰印擅白足行菩薩行自九華發願欲爲寶所建此  
金湯聞楚人士好義重氣節今江漢間崇飭關夫子  
廟貌鉅麗特盛在上者又多佛心宰官鼓舞之不倦  
因不憚重趼至鄂逢人禮拜將乞宰官以下擅信推  
江漢間金粟勝因以成就其九華之願劬矣哉數千  
里嚮風而來豈非以江漢聲教上導下趨者箇是  
佛也哉則飛波遠潤固不限山川而分吳楚矣湘漁  
客此偶遇印擅乞緣于十字街頭揮汗無聊不能自  
白不勝哀之因爲取彼募冊代申其意如是云

五峰山重建白馬庵募緣偈

我聞華藏言佛界廣無量百億寶蓮花一花一世界  
各七世界中徧現佛樓閣而彼善男女皆佛所揖受  
城郭及鄉村國王與臣庶多生植福緣來聚于一處  
雨食雨寶珠隨諸願滿足災難永生是名極樂土  
佛教一切人汝等善護念蓮臺起於心大地皆寶所  
應知百億花不與一花異如人求安居良美由自擇  
南鄉五峰山有庵名白馬云何白馬名繙誦大乘故  
以茲爭道場蓮花出火聚寶所由善心信佛所說義



一百數十年擅信緣相續是時當轉輪重乞衆修舉  
十方檀度門多佛扞受者聞是勝善緣歡喜助財施  
布地及輸材隨緣集工力投滿玉鉢花湧現佛樓閣  
人人坐蓮中把手華藏界看雨如意珠同增福無量

正覺寺募建山門增修佛殿疏

正覺寺募建山門增修佛殿疏

一心長老前年出正覺院携一筇過予道别予怪而  
問之曰正覺開自土人事未大竟顧遂可弛擔歟長  
老曰僧老矣姑逍遙瓢笠未竟事聽脚下人龜勉耳  
予曰解脫哉去勞七得休七與吾志可同也今年羣  
弟子遮請還山長老欣然返七而視龜勉者不副望  
復攘臂攬焉益大拓田增集食盃舉數十年未竟之  
緒恢弘而完繕之劇且甚因復過予道還山狀略不  
告勞如昔時語心知其擔之不得弛也然囁嚅欲有



所請不竟言而去越日委一冊乞兒輩道意則十建  
山門崇廣佛殿之募緣疏也且曰僧以募言煩老居  
士者再三矣顏實甲幸爲我婉懇之兒輩曰老人疲  
於筆墨久不作文字應訓若募疏尤痛絕之以其絮  
聒人甚召人譏訶也語正不了而予適從內出長老  
大笑曰緣法緣法爲膜拜申所請予力謝之乞勿更  
逼我受譏訶罪長老曰上根上品人呵佛罵祖何有  
於君君第言之自有具眼者別作領會假使全不遇  
人正覺功終不圓滿是佛法無靈人乞罵佛有分君  
亦何曾道着一字耶予無以拒攢兩眉拈禿頰橫批  
豎抹如所言書之冊因自念曰此與一心長老出院  
復還勞乞如故何異也哉



雜著

跋

徐兩于以毛子霞所書西園雅集圖記手卷委

與予續書歸去來辭因識其後

西園雅集十八人以子瞻領之奕然各動四裔伯時

與元章並身在圖中而伯時獨據卷画淵明歸去來

小景元章乃昂首題石此蓋與坡公晚歲雅好靖節

之意正同龍眠圖中有記南宮記中有圖所謂英辭

妙墨雄豪絕俗者至今髣髴見也吾友兩于喜誦之



殆亦超然名利之域而與十八人嘗相遙集者耳既  
得子霞妙蹟爲書橫卷足以寄展誦之樂而又使子  
賚惡札續貂得毋增昂者惋恨歟然苦不得辭姑做  
華亭寫歸去來辭用南宮筆意招龍眠以報兩于或  
者念子霞往矣見似人而喜不必盡如子霞之能比  
儼十八人可乎

爲師虞題澣亭額書後

師虞需次家居旣小闢花經用寄清攬已復別開芳  
圃廬其後疏曲沼環之架一梁以通置欄楯之亭覆  
焉遇月來雲起鳥語花開客過魚出皆欣受於是亭  
其澄懷遠志蓋與古人詠野水橫舟之意頗同非徒  
取閒適已也會老人過賞使題其額因顏之曰澣志  
祓濯也其落成在修禊之時又適當上澣云

爲張卓然書手卷跋後

昔歲侍先君子避亂居惠澤上材徑中無三益可望  
戶外屢獨卓然時七過從問先君難字則不啻楚然  
喜也嘗弄筆爲詩詞逸脫藁便持太索真艸書凡幾  
束先君固樂爲之盡意焉今卓然處名下詩文翰墨



咄七逼人而甚念先蹟多被好事者攫且盡強使不  
好帚筆之子覩爾臨池何耆痴也因憶誦先人湯泉  
賦書滿赫蹠雖劣蹟可笑而當時惠澤追隨迄今猶  
可想見卓然不忘故舊重讀此篇或一爲慨歎不暇  
唾其予之耄而不肖耶

跋曹文先集唐句

能詩家各本才具曷寫聲情要取自適已意故音節  
所流或嚴或縱不專謀偶儷之工也若集句則其工  
專在偶儷矣非積日剝精博漁篇什其工不臻山谷  
以百衣體名之謂貴速拙不貴巧遲殆思襟靈之以  
巧役也至子瞻次孔毅父集句韻竟有指揮市人使  
如兒之句則頗譏其非已出矣而予竊以爲筆墨之  
事寄情寓適何所不可才慧人游涉其間獵羣秀而  
獲令之往七工妙可喜讀者不辨其爲舊句亦一快  
也此固非遲不能巧果巧則式穀似之亦何必定斥  
其爲市人也哉曹子文先砭七治風雅稱痒矣又以  
餘力集唐得如干首皆欲臻可喜者此曹子寄情寓  
適自取怡悅正不妨與七步圍茂製造爲笙簧也頃



屬王子修玉懷以示予使綴數言跋卷請爲折衷蘓  
注維論以解不好集詩者之惑云

其 爲樸孫題曹梅子遺画後

維者荆南山人曹梅子以画梅專家遂以梅爲字嘗  
探所画紙作縐紋如紈縠紆爲軸當時邑人士競好  
之悅其画之姿態妍媸也距今六十餘載矣書画之  
蹟吾家昔所藏多可寶者盡付劫灰若此等筆墨固  
細玩耳然及今見之便是太平遺物能逃水火墻塌  
諸劫而出亦可謂希有矣而吾與之遇若重接山人  
於紙宥艸屋間其清韵可對也矧男偶得此幅授樸  
孫藏之樸持以質老翁因爲書其額云



贊

周令公像贊

此選石撫松者作賦之散騎耶高士璆耶胡爲惜瑯  
玕而停倚馬之扎弛女樂以受載書之輶耶奕匕江  
東英尚排夫萬輩命匕角里意實抗乎千秋相天下  
士者能得君子風骨之偉岸而烏能測其挾雲漢而  
獨徃之神遊

譚五峰遺像贊

王之潔日之光是爲先生之文章蠹則千雲騁則千



里是爲先生之材美冲兮其若谷汔兮其若滋是爲  
先生之靜願德相照兮鸞龍人在室兮蘭菊是爲先  
生之表於宗族膏何屯而里潤皆神駿之兩立何朽  
而言仁皆懸日之書是爲先生之著于鄉閭展茲威  
儀疑也嶽也信然逸羣孤輝獨角是故宜魁岸稱峰  
奉高陽而屹樹千秋之踔

秦英郎像贊

頂帶公服

昂藏者誰繡衣章甫南面堂也曰維少府負治中別  
駕之才作坐歎畫諾之主嘗建高談兮雙著席皮却  
笑白皙兮空專城土指揮兮囊智獨契瑜亮之機神  
徜徉兮社耆依然雄望之儀羽是謂栢翳之饒人冠  
鄉閭而接君家伯平之武

蘭茹師像贊

像殊不似門徒懶乞不已笑應之

此是蘭公道影麼巍也堂也誰代坐画師却被蘭師  
瞞覲面仙人看未果金襴以外別無傳頰上三毫徒  
瓊也筆端幻似幻不似一任諸方疑着可程要兒孫  
供養真趙州原與師同駁爲師下一轉語云我不是  
渠也是我



吉水逸士周君正像贊

此衣冠甚偉者園公裔耶手握不釋者澠池書耶胡  
危坐正襟以先民自範更思深意遠而容貌若愚有  
識者曰是嘗見其講說仁義據南面而指授生徒飄  
麥不顧解闕爲娛又有時柴車入市儼然懸伯休之  
壺蓋吉水周氏君正甫者老於德門最稱鄉里之善  
今繩七賢紹克守家法奉是先生長者之規模

銘

平岡石龍庵鐘銘

維此平岡石龍所藏蟠盃盃勢蓄花雨香靈響夕闕  
以待法王爰覲禪師定山和尚振步華林飛來錫杖  
毘耶淨名與古爲量翳蓮社客先太史公往來岡上  
擊竹撫松發龍吟響續虛溪風頌有秫田在溪之口  
連畔二丘厥種五畝捐入迦藍俾僧永守如是歷年  
洪鐘乃懸惟鍊不壞鎮此福田天龍護念億萬斯年  
八月白山能仁寺鐘銘



維月在天輝鑑大地山靈受之織垢弗積警現香臺  
花開雲避鯨音吼光益清林邃攝一切情警衆生寐  
普發真聞同歸純粹良德永彰吉祥如意

說

爲楊郎諱培元徒字說

楊郎諱培元或字之曰宗耀於義無據頃以紙委書  
因請徙其字予思之往代君家爵位名號著於載籍  
者不可枚舉約略屈指若漢長史儀字威公隋尚書  
達字士達唐相國嗣復字繼之宋太保文公億字大  
年明太保一清字應寧類皆副名諱而稱赫然在人  
覩記而蘓文忠以尊已字楊薦則告之曰易曰籍用  
白茅无咎慎之至也此君子之過以自尊也故因其



名薦而取諸易以爲之字蓋薦者籍也古人之不苟  
爲人立字者又如此至若弘農世系以名德著東京  
者莫盛於大尉震當時稱關西夫子以清白貽家子  
孫嘗蔬食步行力修孝謹自是相踵四世爲三公其  
字曰伯起至今人無賢愚皆樂舉其姓字考震之義  
亦繫於易其辭曰震東方也萬物所自出也起從震  
名允與義協况名位子孫適稱其有開之德也歟予  
於是確然有以字楊郎矣即諱元元者大也萬物資  
始貞下起元易之大義也請字之曰又起一以爲嘗  
下之起綿運無窮一以爲太尉之後又一伯起則與  
往代爛然載籍者美稱相望郎其尊已而受大焉斯  
予言不爲虛奉矣

士樸孫字說

樸初名璞其撫父易其偏旁曰樸茲乞命字因思樸  
者朴木也其質素其德堅素則白賁之初也堅則剛  
中之薦也然而白則受采矣薦實則光輝矣引而上  
之暘然蔚然乃知積中者英華也字之曰茂懷庶幾  
究其實於茂盛焉斯于雲之棟矣又茂與懋同有勉



之義傳曰茂哉茂哉子其勉之可也

士直字說

朝孫幼孤而失學吾憂其不振名之曰直與其立也  
茲且乞命字夫年二十是古人稱某甫之時甫者男  
子之美稱加字以行自當依名而起直與樹同義蓋  
條達而上者屹然立也立則未有不直者也聚直為  
矗可以觀亭比之象焉字之曰直夫汝其思勵學自  
植毋墮毋撓斯不失為丈夫子乎詩曰俾立室家其  
繩則直直之義志之矣

冠松巖文藁卷之

寧都魏和公

兩先生閱

遂安毛會侯

楚長沙陶之典五徽父著

男 焮 焮 焮 焮 焮

儷文

嶽麓藝文序

麓志

蒼水傳靈蝌蚪結平成之字紫陽勸學瀟湘多商偃  
之儒次沈宋而登韓攬餘勝地後屈平而作客題徧



道鄉江麓出雲憶西山之謝雨英雄立馬識明祖之  
歌風李北海一碑世貴文兼墨妙米南宮八景人尋  
画在詩中懷想海霞太白襟期何邈友于花鳥少陵  
物色可思至湘浦聞竝一曲峰青江岼若朱張聯句  
千秋響在空山亦有雪夜僧扉唱引松門之駕常望  
西崖漁父歌驚楚竹之燃詞賦如新江山得助此所  
以購陶甌而積玉珠璣昧則竊救之開魯壁以張琴  
金石諧而風競矣深慚豹管有待鴻書

朱紹文外史詩序

竊觀昭回錦漢昌期被四表之華麗奮繁星雋彥盡  
五行之秀張我軍而復競不墜雄風扼南紀以重廻  
誠關大雅故英華滿座昔嘗閣筆於襄陽沈隱持衡  
必欲續騷夫楚澤於斯盛矣未易才焉紹文朱先生  
者江夏無雙藝壇有數年纔舞象已能賦動高軒試  
輒冠軍莫不人爭貴紙豈扶桑之朝氣驅策雲虹吞  
夢澤之廣瀾踢翻鸚鵡蓋文家共推爲敵國而詞壘  
常濟以偏師者也顧欣栽桃李不辭盡散黃金遂盛



選歌絃暫用宣堙絳帳先生於是張魯壁之樂坐客  
無不對開尊之時因之刻燭爲詩敏不讓夫文揆有  
時解貂換酒音最賞於季真當其雨化夫葵適遇風  
流賢尹城頭姑射雅宜郢雪高吹句裏芙蓉時被縣  
花催發在永嘉座上無非挾雲漢之章入元禮舟中  
偏喜得江山之助迴珠轉玉歌落翠微拂壁湔塵氣  
增紅袖艸樹微涼之句賦別聲高深花曲徑之吟尋  
僧意妙凡茲灑翰信陳敦復擅絕和詩每遇當筵服  
曹景宗工於押韻然而詠竒待詔率以文戲爲常供  
奉謫仙偏自醉時得意才人不測俗或疑之意量何  
窮君惟莞爾已乃凝清含潤坐進醇楊馴聞戛玉掄  
金辭成壓白名流觴咏全歸雅頌之中文府笙簧並  
發英韶之響士乃以安定爲歸俗復知平原有學且  
旁羅萬軸欲借古以申今遂兒使三唐竟驚韓而泣  
杜益令人慙窺豹信然手握靈蛇若夫懷帝舟則閒  
吟野水觀龍起則高唱晚烟夢滄海以常菱積風雲  
之在抱實期振鷺寧比雕蟲將知卿旦登歌爛喬章  
而熙鴻運抑亦叢材就育領湖樂以奏鳳鈞不亦國



采於昭而陽春曲貴也哉

跋龍媒悼詩

嗟乎彈別鵠於凋楓之下何止神傷思將雛於皓首  
之年豈堪腸斷龍媒大令鸞藻承家五十年坐卧芸  
籤亭上壁樹一萬里覽吟皇路粲上道州蓋韶音得  
觀樂之遺而樂意必天倫之事矣乃賦歸漉酒正資  
絡秀以安少君投老看雲方喜伏恭之隨光祿何絃  
簪並折韵入歌盆逐杯竿無歡秋傷詞客斯時也下  
十行之雙睫竟托冥觀記三篋之亾書聊憑口授一  
旦聽殘糜釜又爾悲望玉樓風摧季子之清忍抑東



門而不哭雲傍孤飛之白終憑薤露以招魂誦徧人間常來風雨襍諸蒿里欲泣鬼神則鄧攸之行誼應知傳在千秋而張籍之文心要自明於二曜矣

跋李我菴和美人十二小詩

我菴先生者人是謫仙詩傳樂府綺裁雙筆文瀾翻絕艷之章敏捷千篇玉匣積搴英之句有時雲霞管裏珠珮傳神有時粉黛行中玳筵回首故美人芳艸嘗關南國之情京洛春花最盛名園之記秬今和曲妙絕香奩誰信閒情流連晚歲未能遣此終憐夜訴琵琶難得知音忍負聲傳錦瑟擬散無窮之幽恨將酬一代之紅顏應知黃金宮裏賦讓長卿儼歌羣玉山頭醉扶供奉矣



大滌山密印寺募請梵藏疏

蓋聞金仙夢現徧通竺典於琳宮白馬西來特奉靈  
文於石室故大地知崇佛日惟雪山之貝葉不凋雖  
後人接証禪燈與華藏之妙門非異無窮義海露一  
滴總屬醍醐有韻梵天遇多聞自成音樂然而盛衰  
相嬗則亦行願因人越自滌首五燈法莫隆於湘嶽  
當其勅崇六殿剝實冠乎寰區紀異徵則金擁龍沙  
非淨神木循勝境則峰廻象伏水掬蓮香誠千五百  
人知識所居歷唐宋明來法幢不替者矣是以奉宋



神皇帝之書西樓麗日曾誇鳳翥宸章藏古佛菩薩  
之語東閣侵雲構極龍宮緗軸與懷往會恨不躬逢  
逮劫土重移枯檀再茂爰有宰官宗伯訪白牯以披  
秦旋欣金粟冢公駕青獅而廓霧道風漸被法運轉  
旋於是羅漢重來復舉雲中之耜好山贏得高懸嶂  
外之燈乃金像齋自皇都而繡幡施于大內福緣種  
種感應迢七由茲龍藏象負器界維新座列床敷人  
天充滿然且蘊崇有待益弘締造于興朝驚看勲力  
非嘗若役靈祈而集事瓊宮紺殿重瞻往代之規模  
鹿苑雞園更闢選場之嚴淨千僧巨鑊來自廣南百  
里名藍附歸常住此則慧公福報人稱祐祖再來爵  
帥檀施護似當時景讓矣乃者多材濟美蔚然鳳彩  
成行三苑爲家卓爾鷲峰羅列山中餐盃不須仰面  
檀門海上浮盃盡欲歇心寶所惟是翻經臺寂閣影  
虛存譯典惻空雲青不過未免看岱碑者竊疑無字  
學魯祖者徒得面牆安可冠世寶坊弗構五天珠笈  
嘗稽梁代徧印土被華林之藻亦越疏言爲湘西收  
法海之瀾念是回緣良由弘願欣逢時節豈乏大慈



玉上座年來績著蓉庭望津筏而益資蓮鉢梅禪師  
末後光留吳地瞻滄風而共仰毘盧用浮一葦之舟  
直達三山之岼敬于擅度虔請琅函或時逢須達長  
者向七堂三閣間施茲重寶或更遇范陽司空購五  
千四百卷惠永名山豈不亦覺悟迷機貴於塗黃金  
而宣鐘吼飢濡來學非止捐白璧以佐僧餐也哉

江右西山龍泉寺募修大士閣奉貯藏經小引

洪州西嶽人稱十二洞天寶所經臺佛說五千華藏  
攝地靈於龍水賢聖常來擁樓閣之獅雲人天集勝  
故因緣會則布地皆金時節臻斯題胸盡字也乃者  
重光祖院懋績著於隱公振起宗風徽猷奕於天老  
惟其得人以廣益莫不踵事而增華座下山屋大師  
名家法器方外猶龍悟三空而苞四忍願海無涯通  
萬聖而閱百城文瀾有岼於是白馬琅函齋入曇摩  
之舫玄裝記勃携歸貝葉之書道緣所萃未有等倫



矣然而絕漢之象虛懸靈文之緗莫貯充箱待棟立  
梵頂人山師乃益奮勤劬不弛擔荷念穹隆古閣曾  
奉慈容思構復層樓環羅寶法輕修途而邁徃望善  
氣以披誠潭北湘南來探黃金之國宰官居士欣尋  
白社之人般若根深自契神於蓮域菩提樹長佇圓  
果於珠林報檀度而不言總歸殊勝將樸詞以爲介  
敢代先容

能仁寺修建藥師經會白言

林舒薜萄逢花開見佛之時鳥轉迦陵送月白翻經  
之韵由衆香起于心地各蘊靈苗感音樹集于道園  
同承妙梵惟茲能仁淨寺奉持功德尊經現一界琉  
璃神光仰耀併五天華藏藥法專修觀十二願中救  
病難灾危之最切故菩提行處諸有情安樂之無憂  
結此經期誠爲勝會普告檀門上善來禮竺山咸薰華  
鉢嘉芽締名蓮籍七層寶炬高通日月之光五綵雕  
幡繞結香雲之供量部帙以輸金粟續伊蒲而飯苾



芻悃懷真回增培福應飫醍醐法味不爲惡趣所持  
脫水火諸塗長與吉祥爲侶有求必得大醫王本願  
克周萬善同歸不請客聞聲先應矣





